

甘宁青史略

甘肅青史略卷之四

晉孝武帝太元

丙申

二十一年

後燕慕容寶永康元年後秦皇初三年北魏道武帝始元年後涼呂光龍飛元年西秦太初九年

盛是為仇池楊氏第九世

為仇池公

盛自號征西將軍安帝以為輔國仇池公時

夏六月三河王呂光自稱涼天王

光即天王位國號大涼置百官遣使拜禿髮烏孤為益州牧烏孤謂使者曰呂王諸子皆若三河王

近愁怨吾安可違百姓之心受不義之爵乎留其鼓吹羽儀謝遣之初光稱三河王於西海郡人於諸郡時人謠云胡馬心何悲念舊中心勞燕雀何徘徊意欲故巢

勸至是徙於樂都人心乃安

案漢書上莽諷卑禾羌獻地置西海郡又置西海等縣十三州志西海縣西有卑禾羌海

世謂之青海即今西甯青海地後莽篡漢政紛亂郡亦廢棄後漢和帝永元十四年郡兵

擊滅叛羌大小榆谷左右無復羌寇繕修故西海郡以曹鳳為金城西部都尉戍之增廣

屯田列屯夾河合三十四部其功垂立會永初中諸羌叛乃罷晉興前涼張氏復繕修之

張寶叔父肅為西海郡太守

慕容皝曰天王之名胡為乎來呂光苻氏臣也苻洪自稱大單于三秦王洪死子健嗣位

去秦王之號即天王位於南郊改晉永和七年為皇始元年後苻堅又稱大秦天王其所

中土分裂華夷混亂時代 孝武帝

蘭州俊華印書館出版

蘭州俊華印書館出版

由來久矣時五龍見於浩靈羣臣咸賀勸光稱號光遂即天王位於南郊大赦改爲龍飛
元年後數年沮渠蒙遜弑段業遷都姑臧即位謙光殿大赦改元置百官悉如呂光爲三

河王故事非所謂
依樣畫葫蘆邪

冬十一月後秦隴西王姚碩德攻姜乳於上邦降之乳既降秦以碩德鎮上邦及略陽豪族權干成舉兵圍上

邦碩德擊破之熙奔仇池又
西擊干成於略陽干成降

案孝武帝名昌明簡文子在位二十四年改元二曰霄康曰太元太元
二十四年九月貴人張氏弑帝於清暑殿太子德宗即位是爲安帝

丁安帝隆安元年後燕永康二年後秦黃初四年北魏皇始二年南涼禿髮烏孤春正
太初元年北涼段業神璽元年西秦太初十年後涼龍飛二年

月涼王光遣將寶苟伐乞伏乾歸西秦與戰殺其弟延涼王光以西秦主乾歸
數反覆舉兵伐之西秦

羣臣請東奔成紀乾歸曰軍之勝敗在於巧拙不在衆寡光兵衆而無法弟延勇而無謀
不足憚也且其精兵盡在延所延死光自走矣光軍長最遺子太原公纂攻金城天水公

延攻臨洮武始河關皆克之乾歸使人給延曰乾歸衆潰奔成紀矣延欲引輕騎追之司
馬耿稚諫曰乾歸勇略過人安肯望風自潰且告者視高色動殆必有姦宜整陳而前使

步騎相屬俟諸軍畢進然後擊之無不克矣延不從進與乾
歸遇戰於街亭延死涼將寶苟爲乾歸所敗光引兵還姑臧

烏孤雄勇有大
志乘前乘末年
之難亂略取故
郡南涼秃髮烏
城自立為西平
王

案舊通志長最城在故平番縣之南晉永和二年石趙將麻秋擊涼齊河城長最即此臨
洮縣名即故岷州晉置屬狄道郡後魏太平真君六年置臨洮郡縣廢河關漢之縣名西
漢神爵二年置屬金城郡後漢改屬隴西郡晉初省惠帝時復置其故城在河州之西武
始郡名故狄道縣地前涼張軌據河西分廣武郡置武始改狄道曰降狄道金城即今蘭
州晉書地理志涼州刺史統金城郡領縣五曰榆中曰允街曰金城曰白土曰浩亶成紀
縣名在故秦州北與秦安伏羌兩縣接壤餘見第一卷伏義氏書卦注街亭城名在平番
縣北十六國春秋烏孤太初元年涼王呂光遣寶荷與西秦戰於街亭涼
兵大敗水經注街亭城又在楊非亭西北非蜀將馬謖所失之街亭也

秃髮烏孤自稱西平王攻涼取金城

烏孤自稱西平王攻涼取金城治兵廣武攻涼金城克之

案元和志廣武縣南至蘭州二百五十里本漢枝陽縣地前涼張駿分晉興置廣武
郡南涼秃髮烏孤都廣武即此其故城在故平番縣東南枝陽縣吳區即平番地

後涼呂光遣寶荷擊南涼戰於街亭後涼兵大敗

甘涼與西甯壤相
相接故書有戰事

案廣武縣晉置在今永登縣東南本漢枝陽縣南至蘭州二百五十里以其地考之即今
永登縣治街亭城在永登縣北與馬謖所失之街亭名同而地異楊非亭在永登縣西水

經注楊非亭
在廣武北

三月涼沮渠蒙遜

臨松盧水胡人
是為北涼太祖

叛拔臨松據金山

初張掖盧水胡沮渠羅仇世為部
帥涼王以為尙書及呂延敗死仇

弟三河太守勳謂羅仇曰主上荒蕪信讒今軍敗將死正其猜忌智勇之時也吾兄弟必不見容不若勒兵向西平出苦蘆奮臂一呼涼州不足定也羅仇不聽後從呂光征河南前軍大敗羅仇勳皆爲光所殺其猶子蒙遜哭謂衆曰呂王荒蕪民無道豈可坐觀成敗不上繼先祖安民之志下使二父有恨黃泉衆咸稱萬歲遂立盟約一旬之間衆至萬餘與從兄男成攻涼

臨松郡拔之屯據金山

案北涼錄沮渠官名也蒙遜先爲匈奴左沮渠遂以官爲氏或曰沮渠房復姓史記正義曰沮渠本匈奴王號頭師古曰其先爲沮渠王後因氏焉昔漢祚中徵蒙遜之祖翼獎寶融保甯河右後涼呂光時沮渠羅仇勳猶爲部帥光重用之

案甘州志前涼張天錫置臨松郡北涼改爲臨松縣地形志臨松郡領安平和平二縣隋志張掖有臨松縣後周廢寘字記後魏太和中置臨松郡其故城在臨松山下今名南古城在張掖縣南一百里金山郡名在甘州山丹縣西南北涼錄永安十年蒙遜以從伯羅仇子成都爲金山太守卽此或云在故昌松縣南屬水出焉或又云在永昌縣城北二里茗蘆地名有二一在西甯縣西一在張掖縣東晉義熙中南涼王秃髮傉檀以北涼兵至茗蘆大掠五千餘戶而還此西甯之茗蘆也一統志張掖縣在金山之西十六國春秋元始二年蒙遜西如茗蘆遣兵襲卑和烏啼二部五年祀金山西至茗蘆西平卽西甯府注見周貞定王二十五年祀

慕壽祺曰天將大亂則材俊勃興姚興與姚萇王登而乞伏國仁爲河西都統呂光殺張大豫而沮渠蒙遜自爲張掖太守何蒼蒼者之巧於布置耶夫之習骨節思咀嚼反爲強

沮渠蒙遜本匈奴
世居張掖之
關松
今高臺縣西南
之略統城即樂
濠故縣段業建
都於此

者所擾矣雞之得食未及下咽反為雄者所奪矣段業後殺沮渠
男成而蒙遜乃取而代焉一莽雖除十莽復生可不謂之天啟哉

涼段業叛自稱建康公沮渠蒙遜以衆歸之
涼王呂光遣呂纂將兵擊沮渠蒙遜破之蒙遜從兄男成亦合衆攻建康遣使

說太守段業曰呂氏政衰人無容處瓦解之形昭然在目府君奈何以書世之才欲立功
於垂亡之國男成等既倡大義欲屈府君撫臨鄯州何如業許之男成推業為涼州牧建

康公業以男成為輔國將軍委以軍國之任蒙遜帥衆
歸之業以為鎮西將軍光命呂纂討之不克是為北涼

案建康縣名置在高臺縣南十六國春秋咸康元年張駿分建康郡屬涼州呂光龍飛
二年沮渠男成自樂涪進逼建康後魏郡廢新唐志甘州西北一百九十里祁連山下有

建康軍將聖初置樂涪廢縣在高臺縣西南漢
置屬酒泉郡後魏廢隋志周置樂涪縣尋廢

秋八月涼郭騰楊軌叛
涼太常郭騰善天文國人信之會突惑守東井騰謂僕射王詳曰涼分野有大兵吾欲與公同舉大事何如詳從之有泄被誅

騰遂據東苑以叛涼王光召太原公纂討之纂將還諸將曰段業必歸軍後宜潛師夜發
纂曰業無雄才憑城自守若潛師夜去適足張其氣勢耳乃遣使告業曰郭騰作亂吾今

還都卿能決者可早出戰於是引還業不敢出纂司馬楊統欲殺業而推其從兄桓為主
桓怒曰吾為呂氏臣安饗其祿危不能救豈可復增其難乎呂氏若亡吾為弘演矣統遂

降騰擊騰大破之乃得入姑臧涼人張捷等招集
戎夏據休屠城與騰共推涼後將軍楊軌為盟主

案太平御覽呂光龍飛二年太常郭慶叛以籌會招誘楊軌執性真不虞慶之傾危後涼錄姑臧涼人張捷宋生等招集戎夏二千餘人反於休屠城與慶共以書箋招誘後將軍

楊軌推為盟主西河太守程肇諫軌曰將軍之於呂主可謂臭味是同今欲釋同心託異類背龍頭尋蛇尾非將軍之高算也軌不從自稱大將軍涼州牧西平公

又案地理志休屠故城在今鎮番縣北漢書武帝太初三年置居延休屠以衛酒泉地理志武威郡休屠縣都尉治熊水障北部都尉治休屠城晉省後魏復置地形志武威郡襄

城縣有休屠城水經注武始澤東北流經馬城東即休屠故城也元和志休屠城在姑臧縣北六十里即漢姑臧縣

幕壽祺曰劉孝標作辨論命篇言壽夭窮達一歸之命可以使人杜奔競僥倖之患蕭瑛非辨命論言人之禍福一本之人事可以使人起修身累善之心二人皆非以甲乙丙丁

休因既相而求吉凶者也郭廣少明式易善天文占候乃因天變屬動戒機知命者顯知是乎

戊二年 後燕慕容盛建平元年後秦皇初五年北魏道武帝元興元年南燕慕容德 燕平元年南涼太初二年後涼龍飛三年北涼神璽二年西秦太初十一年 春正

月乾歸遣乞伏益州攻支陽頭武允吾皆克之虜萬餘人

案支陽當枝陽之訛枝陽縣名在今永登縣南接蘭州界漢置屬金城後郡漢因之晉初廢前涼張氏復置分枝陽屬廣武郡後魏廢允吾廢縣亦漢置水經注允吾縣在黃河之

北湟水之南在蘭州迤西之西古城土人謂即允吾大誤

漢之精者如章
越得九宮法
其得而論不一
其死而論不一
不可一之概論也

夏六月涼呂纂擊楊軌郭隆救之
軌奔廉川收集夷衆至萬餘遣使降於南涼後爲
羌酋梁鐵所敗磨性偏隘不爲士庶所附戰敗奔降

西秦及乾歸敗復入仕姚
興爲太史令後爲興所殺

慕壽祺曰術數之學用之不得其正則足以殺其軀而已矣故古之精此者不輕授人三
國時譙周曉天文有從學術者曰天下事當學者尙多何必天文北齊權會明風雨玄象
學徒有問不言曰此術可知不可言有一子亦不授也晉殷景揚明天文術數人問吉
凶統曰攻乎異端戒在害己言不可不慎也郭麟精術數之學卒與殺身之禍甘爲叛逆
抑何
惑也

秋九月南涼取嶺南五郡

初楊軌屯廉川尋爲羌酋梁鐵所破西奔儂海饑遂進攻西
平南涼王禿髮烏孤欲救之羣臣憚義兵彊多以爲疑左司

馬趙振曰楊軌新敗呂氏方彊洪池以北未可冀也嶺南五郡庶幾可取大王若無開拓
遠志振不敢言必欲經營四方此機不可失也使羌得西平夷震動非我之利也烏孤

喜曰吾亦欲乘時立功安能坐守窮谷乎遂進擊鐵大破之樂都湟河
澆河太守皆以郡降嶺南羌胡數萬落皆附於烏孤烏孤更稱武成王

案地理志儂海西胡國名洪池嶺在涼州武威縣東南晉永和中西虎將麻秋伐涼王擢
略地晉興廣武越洪池嶺至於曲柳或聲大震湟河郡名東晉置在西甯府碾伯縣東南
舊通志又謂在巴燕戎格廳東南澆河郡名在貴德廳東南古西羌所居後漢延熹中段
頰破燒當羌遂定其地東晉時呂光置郡水經注河水東經澆河故城北有二城東西倚

角東北去西平二百二十里樂都郡名在今西甯府東碾伯縣西二里餘見下文隆安三年註

又案嶺南五郡謂嶺嶠以南五郡即樂都湟河澆河等處與河西無涉而史氏引張九韶語五郡謂武威張掖酒泉敦煌金城等處說恐不的蓋隆安元年烏孤攻涼已取金城此時不應重敘且當是時呂光都武威段業據張掖全酒泉敦煌又在張掖以西夫豈烏孤一人所能取假使河西五郡為南涼所有則後涼北涼無容足地其何以國不待辦而知其非矣

武威張澍序西河舊事而論五郡山川人物其略曰式觀豬野大澤禹蹟猶存龍夷荒城陝流自繞瀾干川土肥如畫時羅漫酪美瀉酥市日四合畜牧蕃滋信浩穰區哉而瓜大容狐海深出馬雪積百丈沙流萬里駝爵甕卵羔羊鼓膾帝江歌舞神鳥圖形鱗得千金隄居延遮窮障石漆濃如脂膏金山石成牛馬抑何荒瓌奇異若乃玄趾燕墜簡邊界吞敦煌鸞飛魯般楔擊軒皇拜道於空桐王母梯几於縣圃魚澤障前崔不意效穀龍勒山腹李廣利

刺泉以及周生然明之經學趙歐郭磨之藏術邳奇麗涓之忠孝日禪文和

之才幹並皆靈幻殊特聞之者咸欲命駕往尋討幽采異何珥筆奮藻者之

寥寥乎

己三年 後燕長樂元年後秦弘始元年北魏天興二年後涼呂纂咸寧元年 春正月南涼

徙治樂都 南涼王禿髮烏孤謂羣臣曰隴右河西本數郡之地遺亂分裂至十餘國呂氏乞伏氏段氏最疆今欲取之三者河先楊統曰乞伏本吾部落終當伏從

段氏營生無能為且結奸於我攻之不義呂光衰薨嗣子微弱羣弘雖有才而內相猜忌若使浩遷廢川乘虛迭出彼必疲於奔命不過二年兵勞民困則姑臧可圖也姑臧舉

則二寇不待攻而服矣烏孤曰善

案水經注湟水東過樂都城南後魏取之置鄯州元和志鄯州古西戎地漢金城郡地後漢分置西平郡後涼呂光改西平為西河郡後魏以西平郡為鄯善鎮孝昌二年改鎮立

鄯州舊唐志鄯州治故樂都郡其故城在今西甯碾伯縣西

二月段業自稱涼王 業京兆人工尺牘為杜進記室儻素長者無他格略呂光以為建康太守與光諸將有隙沮渠蒙遜及其兄男成逼之以叛光將呂

宏去張掖業遂據郡建號神璽元年光命其子纂率師往討沮渠蒙遜以所部進屯臨松
為業聲勢戰於合黎大敗纂師稱制後威禁不行羣下擅命尤信卜筮巫覡終至於敗
案甘州府志合黎地名非山名自元魏後始有合黎山名稱蓋以禹導弱水至于合黎在
今撫彝廳北二十里俗名要塗山山下所經過也甘肅山多童而合黎近蒙界有殖草木
處且石洞清幽風物與北山迥異

夏四月涼王業使蒙遜攻西郡拔之

蒙遜博涉羣書頗曉天文滑稽善權變呂光殺其二父蒙遜起兵據金山依段業業封之為臨

池侯至是蒙遜以萬人攻呂純於西郡經旬不克蒙遜乃引水灌城純窘乞降執之以歸

南涼禿髮利鹿孤謀伐後涼使其將金樹蘇翹屯昌松漢口

時利鹿孤徙西平聞呂光死謀伐後涼故

有是舉

案後涼置昌松郡縣屬焉其故城在今古浪縣西漢口廢縣在古浪縣南禿髮得檀嘉平元年後秦姚興使其子弼等伐南涼濟自金城進次漢口即此魏志昌松郡領莫口縣莫

即漢之訛也後周廢

五月後涼遣兵討段業於張掖禿髮烏孤遣兵救之乃罷歸

時呂光使其子紹纂討業業請救於烏孤

烏孤遣其弟利鹿孤及楊軌救業紹纂懼燒氏池張掖麥穀而還或言
出三門關挾山而東築以爲示弱不從業將擊之蒙遜諫乃止各罷

案張掖郡名漢置即今甘肅注見漢武帝元鼎六年氏池縣名漢置屬
張掖郡注見太元十四年三門關在今甘肅府山丹縣境俗名大口子

僧法顯馬遊西域取道隴西以至武威張掖

法顯者俗姓龔平陽武陽人也出家江
陵寺概經律舛闕誓志尋求嘗自云願

尋所徑不覺心動汗流所以乘危履險不惜此形者蓋是志有所存專其愚直投命於必
死之鄉以達萬一之冀故以垂暮之年遊極樂之國徑行印度誠重勞經至是與同學沙

門慧景道真慧應慧鬼等發自長安度隴至乾歸國時乞伏乾歸在隴西稱西秦王至傳
檀國時禿髮傳檀降秦爲涼州刺史鎮姑臧至張掖時爲段業所據田張掖出陽關既越

雪山度新都河便入北天竺界俗人衣服飲食與中國同次度小雪山寒風景起同行者
多道死法顯自力孤行遂過山險出恆水之岸遊中印度伊古以來未有冒險如顯之比

凡所遊履共三十國逐處停留六閱寒暑同來伴侶存有幾人瞻望鄉閭常懷歸想至是
顯已八十餘矣迺附商船藉旋祖國久之始抵耶婆提即今之瓜哇國此法顯自撰佛國

記所紀之
行程也

案太平御覽天竺地方三萬里佛道所自出其國王居城郭殿皆雕文刻鏤左右諸大國
凡十六即今之印度國也古稱印度爲天竺其義不可攷蓋胡僧初至稱其國爲天國或

又稱爲月氏月邦月明月支身毒賢豆天豆天真印度或稱婆羅門國意謂
婆羅門神所造之國土婆羅門或曰梵天故又稱梵土而其國語乃稱梵語

又英國愛第巴噶博士著西藏民族源流考謂法顯赴印度時西藏民族頗盛因節錄之以資研究其文曰古代西藏族系非中國歷史所詳論之該撤寺代之德意志人據邊境部以慢涼剽竊爲事僅能專守唐之見聞耳西曆紀元前一百一十二年西藏牧民十萬曰羌人者與土耳其人相結連攻陷黃河上流之一都市近世地圖標爲河州（甘肅臨夏縣）由此附近而東入中國自是以來已於兩種族土地之間築壘設防壘狀爲楔形後乃成亞細亞洲之大道紀元前六十年其地有亂藏人爲所征服而建設城市以居之卽今日甘肅之皋蘭三世紀至四世紀之間西京（今陝西西安）屢爲西藏武士所迫不堪其擾自陝西以迄雲南中國西陲全地迭被攻擊中國苦之乃得一計以帝王贈其酋曰大汗意暫弭邊疆之危而爲一時彌補之策也及五世紀而西藏形勢轉變時羅馬旣分東西爲二中國亦當晉後分南北二朝其後二朝愈見分裂當時藏族儼然當保護佛教之任請中國皇帝於西安府及亞細亞大道上包括西域諸地擁位稱王至欲與中國皇帝相匹敵故自紀元二百五十五至四百年直可稱之爲西藏王朝著名旅行家法顯於三百九十九年出中國抵印度時印度亦爲藏所轄西人所稱支那之語蓋濫觴於此於是羌族之名廢駁而代之以曰藏族其民族之駁雜不純徒可知矣

又案法顯取經後魏孝明帝時敦煌人宋雲偕洛陽僧人慧生奉太后令往西藏求佛典遂至印度而還得大乘經百七十部嘗有使西域記宋太祖乾德四年知涼州府折通葛支上言有漢僧六十餘人自朔方路爲部落劫掠僧言往天竺取經並送達甘州訖詔褒答之宋初漢僧求經仍由甘涼經過

葛壽祺曰中國聖人多生於西北印度佛經徧行於世界斯皆文化之祖也昔張騫使西域謂身毒在大夏東南有蜀亦與印竹杖班超通西域遺其部將甘英行抵今日之波斯

西下即今青海
局 城及爲西需

灣有如此大旅行家大探險家中英兩國文化惜無人爲之溝通豈真山川之阻隔耶漢以後中國僧人之取經印度者僅達葱嶺之東至于闐而止惟法顯竟至佛國可不謂能乎顯其志僅在求經其事不由政府文化上不聞有若何之發展也宋雲奉魏太后命步法顯之後塵訪大乘之真本新疆印度間固有使臣之車轍馬迹矣使中政府繼續進行信使往還智識交換則印度可至今存而歐亞交通之起源又何待乎馬哥博羅哉

秋七月南涼王烏孤卒弟利鹿孤嗣徙治西平

烏孤因酒走馬馬倒傷脅笑曰幾使呂光父子大喜俄而患甚願謂羣臣

曰方難未靖宜立長君言終而卒弟秃髮利鹿孤立徙居於西平使記室監秃髮梁明體於段業業曰貴主先王創業啓運功高先世宜爲國之太祖有子何以不立梁明曰有子羌奴先王之命也業曰昔成王弱齡周召作宰漢昭八歲金霍夾輔雖嗣子冲幼而二叔休明左提右挈不亦可乎明曰宋宣能以國讓春秋美之孫伯高委事仲謀終開有吳之業且見終弟及殷湯之制也亦聖人之格言高代之通式何必系爲景行爲非業曰美哉使乎之義也

案十六國春秋烏孤通武威王徙於樂都以金石生時連珍四夷之豪雋陰訓郭倬西州之德望楊統楊貞衛殷鞠丞明郭黃郭奮史嵩鹿嵩文武之秀傑梁和韓正張和郭韶中州之才令金樹薛翻趙振王忠趙晃蘇霸秦雍之世門皆內居顯位外宰郡縣官方授才咸得其所

冬後涼王呂光卒世子紹立庶兄纂弒而代之

光疾甚立子紹爲天王自號太上皇以太原公纂爲太尉常山公弘爲司

十月十四日

徒謂紹曰今三鄰伺隙吾沒之後使纂統六軍弘管朝政汝恭己無為委重二兄庶幾可濟若內相猜忌則蕭牆之變至矣又謂纂弘曰永業才非撥亂直以立嫡有常猥居元首汝兄弟輯睦則詐流萬世若內自相圖則禍不旋踵纂弘泣曰不敢光臨薨執纂手戒之曰汝性粗武深為吾憂開基既難守成不易善輔永業勿聽讒言及光卒紹祕不發喪纂排閣入哭盡哀而出紹懼以位讓之纂曰臣雖長陛下國家之嫡不可以私愛而亂大倫光弟子超謂紹曰纂為將積年威震內外步高視遠必有異志宜早除之紹不從曰兄弟至親豈至此乎每念袁尚兄弟未嘗不痛心也先帝言猶在耳奈何棄之縱其圖我我視死如歸終不忍有此意也超退而歎曰臨機不斷大事去矣於是纂聽呂弘之言並聞超謀率壯士數百入白青角門升謙光殿紹登閣自殺纂遂自立稱天王改龍飛四年為咸甯元年超出奔廣武時纂叔父方鎮廣武纂遣使謂曰超實忠臣義勇可嘉但不識權變之官方賴其用可以此意諭之超上書陳謝復其爵位

案後涼錄呂纂字永緒先苻堅時入大學以此交結公侯堅敗纂奔至姑臧及光卒呂超勸紹宜早圖纂紹不從呂弘謂纂曰主上闇弱未堪多難兄宜為社稷計不可徇小節也纂弘於是夜帥壯士攻廣夏門左將軍齊從抽劍直前斫纂中額左右擒之纂曰義士也勿殺呂超帥卒二千赴難衆素憚纂不戰而潰入升殿僭即天王位諡紹為隱王以弘為大都督錄

尚書事

庚四年 後燕長樂二年後秦弘始二年北魏天興三年南燕慕容德建平元年後涼咸甯二年南涼禿髮利鹿孤建和元年北涼天璽二年西涼公李暠庚子元年是歲西秦降

後秦春正月西秦王乾歸自金城遷都苑川

苑川本水名有兩源一源在皋蘭東南之新營諸山東流逕新營北又東合金縣之瓦家河又東逕大營川至甘草店折而北合金縣清水諸河入此川是即水經注出勇士縣子城南山東北流歷此城川世謂之子城川北逕牧師苑之水也為苑川水最遠正源一源出縣之東南分水嶺東南流出金縣之興龍山峽夾金縣城分流東合徐家峽小絳峽諸水入此川是即續通鑑長編晉周河水道提綱浩尾河之水也為苑川水旁源兩源即西北流又折而東北入於河

三月涼呂弘作亂涼王纂誅之

涼王纂忌大司馬功高地逼弘亦自疑遂以東苑之兵作亂纂遣兵擊之弘衆潰出走纂兵大掠悉以東苑婦

女賞軍弘妻子亦在其中侍中房晷曰天禍涼室憂患仍臻雖弘自取夷滅亦由陛下無棠棣之恩富省已責躬以謝百姓乃更縱掠士女百姓何罪弘妻陛下之弟婦弘女陛下之姪也奈何使無賴小人辱為婢妾乎遂獻款流涕纂改容謝之召弘妻子置東宮厚撫之弘將奔南涼道過廣武呂方見之大哭曰天下甚廣汝何為至此乃執弘送獄纂遣人殺之

北涼以李暠

隴西成紀縣人

為敦煌太守

初隴西李暠好文學有令名孟敏為沙州刺史以暠為效穀令敏卒治中索僊等以暠濫

殺有惠政推為敦煌太守請於段業業因授之將軍索嗣言於業曰暠不可使處敦煌業以嗣代暠使帥五百騎之官暠遣同母弟宋繇逆擊之嗣敗走還暠表業請誅嗣業乃殺

之後七年北涼西郡太守梁中庸叛奔西涼西涼公嵩問曰我何如索嗣中庸曰未可量也嵩曰嗣才度若敵我者我何能於千里之外以長繩絞其頸邪中庸曰智有短長命有成敗若以身死為負計行為勝則公孫瓚豈賢於劉虞邪嵩默然

案西涼錄李嵩字元盛小字長牛隴西成紀人漢前將軍廣之十六世孫少而好學性沈敏寬和美器度通涉經史尤善文義及長頗習武藝誦孫武兵法嘗與呂光太史今郭騰及其同母弟宋綏同宿廬起謂綏曰君當位極人臣李君有國士之分家有駟草馬生白額駒此其時也

案敦煌命名之義敦大煌盛也本禹貢三危故地左傳允姓之戎居於瓜州即此秦以前同肅州漢為敦煌郡地屬六縣兼有今安西管因之元帝時前涼張駿分敦煌晉昌高昌三郡西域都護戊巳校尉玉門大護軍三營為沙州張祥又以敦煌郡置商州其後李品據敦煌稱西涼公元魏更析會稽廣夏常樂等郡非漢敦煌全境矣後魏置敦煌郡周置

鳴沙縣水經注敦煌南七里有鳴沙山故亦曰沙州隋大業初復置敦煌郡改鳴沙為敦煌唐武德五年置西沙州貞觀七年曰沙州貞元後盡沒於吐蕃宋初為回鶻所據太宗時曹元中以州歸宋景祐中為元昊所據元復取之明正德十一年只克子乞台衰弱徙肅州塞內其部下服屬吐魯番沙州遂廢清雍正元年置沙州所三年升衛隸安西同知

後改敦煌縣

案敦煌志效殺廢縣在敦煌縣東漢置屬敦煌郡魏師古漢書注縣本魚澤隨桑欽調李武元封六年崔不意為魚澤尉教民力田以勤效得綬因立為縣故名即以不意為之令

後漢及晉因之後魏分置效穀郡隋志周併效穀郡入敦煌郡

秋七月秦擊西秦西秦王乾歸戰敗走歸苑川遂降秦

先是夏五月秦征西將軍姚碩德率衆五萬伐之入

自南安峽乾歸率諸將拒之秋七月乾歸使武衛將軍兀慕等屯守秦軍樵采路絕秦主姚興潛引兵救之乾歸使兀慕率中軍二萬屯柏楊鎮軍將軍羅敷率外軍四萬屯侯辰

谷自將輕騎數千前候秦兵會大風昏霧與中軍相失爲追驗所逼入於外軍日與秦戰大敗走歸苑川其部衆一萬六千皆降於秦興進軍枹罕乾歸奔金城別將豪帥獨引數

百騎奔允吾乞降於利鹿孤利鹿孤遣博檀迎之實於晉興至是秦兵旣退南羌梁戈等密招乾歸乾歸將應之利鹿孤遣其弟吐雷率騎三千屯捫天嶺乾歸懼爲利鹿孤所殺

八月南奔枹罕遂降於秦

案晉書載記乾歸自允吾降於利鹿孤居小晉興城謀欲遁去利鹿孤遣弟吐雷屯兵捫天嶺備之胡三省通鑑注嶺在允吾東南據此捫天嶺必扼晉興赴金城要道應在皋蘭

縣之西境非宿霧山不足以當之由宿霧山渡河而西卽黃茨焦家二灘爲赴古鄯之路古鄯驛在今西甯碾伯縣境地當孔道卽乾歸所居之小晉興也宿霧山在皋蘭縣西一

百二十里綿亘高大黃河繞其西南北三面有登其巔者謂舉手可捫星辰矣

秦主姚興納乞伏乾歸降

後秦主興患勃勃乾歸亂於西北傳檄象近捕於河右咨謀將帥鎮撫二方於是乞伏乾歸先遣使送所掠守宰謝罪請

唐武昭王李
世孫高祖之始

降許之歸其
子熾磐官爵

冬十一月李晟自稱涼公

北涼晉昌太守唐瑤叛移檄六郡推瑤為沙州刺史涼公嵩遣宋瑤東伐涼興並擊玉門已西諸城皆下之是為西涼

案乾隆府廳州縣考晉昌即今安西州秦以前同肅州漢為敦煌郡地晉元康五年分置晉昌郡又分置常樂郡後周武帝改晉昌郡曰永興唐武德五年改置瓜州清雍正二年

設安西鎮乾隆二十五年升為州領縣二今改為縣

又案玉門縣名漢置屬酒泉郡十三州志漢罷玉門關屯徙其人於此後五代志瓜州玉門縣東晉時西涼分置會稽郡又有玉門郡隋開皇初改會稽縣曰玉門唐初改屬肅州

今仍舊在肅州嘉峪關外

辛丑五年

後燕慕容熙光始元年後秦弘始二年北魏天興四年後涼呂隆神鼎元年北涼沮渠蒙遜永安元年南燕建平二年南涼建和二年西涼李暠二年

月秦使乞伏乾歸還鎮苑川

夏四月乾歸如枹罕留世子熾磐鎮之收其衆得二萬徙都度堅山自稱秦王

案乾歸所都度堅山方輿紀要列於靖虜衛胡三省通鑑注請在苑川西而金苑川西無此山名以里數計之應在皋蘭與金縣錯壤處戈誕擾攘柔海變遷山川亦改名焉而

與前代異矣

涼呂超弒其君篡而立其兄隆

字永嘉光弟寶之子

篡后楊氏自殺

篡遊田無度荒耽酒色太常楊穎諫之不悛因醉復

與左右馳獵於坑澗之間殿中侍御史王回扣馬諫不納番禾太守呂超擅伐鮮卑思盤
 思盤訴超於纂纂召超入朝怒曰卿兄弟相欲欺吾也要當殺卿然後天下可定超頓
 首曰不敢纂引諸臣宴於內殿呂隆屢勸纂酒已至昏醉乘步輦車將超等遊於內至琨
 華堂東閣超取劍擊纂纂下車擒超超刺纂胸奔於宣德堂將軍魏益入斬纂首以徇
 超既弒纂讓位於隆隆有有難色超曰今猶乘龍上天豈可中下隆遂即天王位以超都
 督中外錄尚書事初隆超兄弟之為亂也篡后楊氏聞變命禁兵討超超黨殿中監杜尙
 止之禁兵皆舍仗不戰及篡已死隆即位楊后將出宮超恐其挾珍寶命索之后曰爾兄
 弟不義手刃相屠我且夕死人安用寶為超又問玉璽所在后曰已毀之矣后有美色超
 將納之謂其父桓曰后若自殺禍及卿宗桓以告后后曰大人
 賣女與氏以圖富貴一之謂甚其可再乎遂自殺桓奔河西

案地理志番禾縣名或作番和西漢置屬張掖郡地理志張掖郡番和縣農部都尉治隋
 志武威郡後魏置番和縣後周郡廢置鎮開皇中置縣唐初改為天寶縣元和志天寶東
 至涼州一百八十里本漢番和縣其故城在今涼州永昌縣西

又案太平御覽隱王張善人生而莊黠出家為道士呂隆逼之乃自殺張掖門樓雙股頓
 折口誦經顏色自若俄而死武威張澍謂張氏敦煌人隱王呂紹之友人年十四經見殺
 便請為沙門繼以楊后之死何呂氏之多烈婦也

幕壽祺曰呂超忠於故主紹者也然篡革命之初超上書陳謝復其爵位是已委質而事人矣夫委質而事人而又弑之是爲故君賊新君大亂君臣之義遂廢所差爲者也於此而不明正其罪恐故國臣僚改事新朝稍有不合公行弑逆而後藉口復仇世亂常有已時乎後涼神鼎三年呂隆降秦既至長安秦主以超爲安定太守其後坐與姚興少子廣平公弼謀反誅亦可以儆後世人臣懷二心以事其君者

三月南涼擊涼徙其民二千戶以歸

是年正月南涼王利鹿孤欲稱帝將軍鑰勿崙諫而阻之乃更稱河西王置都督中外錄尙書

官以其弟僂檀都督中外錄尙書事至是擊涼獲勝其後利鹿孤命羣臣極言得失從事史昂曰陛下命將出征往無不捷然不以綏甯爲先唯以徙民爲務民安土重遷故多離叛此所以斬將奪旗而地不加廣也利鹿孤善之

夏五月北涼沮渠蒙遜弑其君段業

北涼王段業稱制後三年之中地震五十餘所蒙遜經涉艱難頗識機變以臨池侯寔執樞機符握

重兵爲衆望所歸觀其舉止恐成大變業尤懼之蒙遜亦深自晦匿張掖太守馮楷素豪雋爲業所親重意輕蒙遜蒙遜譖而殺之乃謂其兄男成曰段公非撥亂之主也所憚者馬權今權已死欲除之以奉兄何如男成曰人親信我圖之不祥蒙遜乃求爲西安太守因與男成約同祭蘭門山而陰使人先告男成欲爲亂以求祭蘭門山爲驗至期果然業收男成賜死蒙遜泣告衆曰男成忠於段王而無故枉殺之諸君能爲報仇乎男成素得衆心衆皆憤怒爭奮北至氐池羌胡多起兵應之業先疑將軍毘昂囚之至是召之使討

蒙遜昂以衆降業軍遂潰蒙遜入張掖業謂曰孤子然一己爲公家所推願丐餘命東還與妻子相見蒙遜斬之六月蒙遜自稱張掖公仍號北涼改元曰永安

案郡縣志西安郡名在張掖縣東南十六國春秋段業神璽二年徙治張掖遂築西安城以臧莫核爲太守尋爲呂纂所敗沮渠蒙遜永安元年爲西安太守遂起兵攻張掖殺業

而代之
後魏廢

案張掖郡即故甘州秦以前與涼州同漢初爲匈奴昆邪王地武帝元鼎六年置張掖郡晉隆安中北涼沮渠蒙遜初都於此後魏太武平涼置張掖軍西魏廢帝三年改爲涼州

唐天寶初復曰張掖郡永泰二年陷於吐蕃大中五年收復尋爲回鶻所據宋天聖六年入於西夏改隸夷郡又置宣化府元初復曰甘州至元元年置甘肅路總管府八年改甘

州路十八年置甘肅行中書省明設巡撫於甘州以與肅州接壤名曰甘肅巡撫清初移巡撫於甯夏改曰甘州府駐提督一員蓋重鎮也今廢改爲張掖縣

慕壽祺曰余過甘州有人指臨松山而告曰此北涼沮渠蒙遜所居處也夫臨松曩昔繁華未知何若今則荒涼滿目而蒙遜生於其間信乎冠冕之表神州而外復自有人在

也惟舉事之初推重段業既立之而復殺之母乃太忍乎雖然古今成大事者多天下之忍人哉

秋七月秦伐涼大破之

涼王隆在位多殺豪望大失河西人士心秦乘其內外騷然遣隴西公姚碩德圍姑臧累月撫納夷夏分置守宰節食聚粟爲

持久計呂超言於隆曰應龍以屈伸爲體大人以知機爲美今資儲內竭上下激激當卑辭以退敵敵去之後修政息民若卜世未窮何憂儲業之不復若天命去矣亦可保全宗

族隆乃遣使請降於秦碩德軍令嚴肅秋毫不犯祭先賢禮名士西土悅之

八月西涼南涼北涼皆遣使入貢於秦

先是夏五月魏安人焦朗說姊碩德曰呂氏因秦之亂制命此州諸子競尋干戈民死者

大半明公救生靈之沈溺布徵政於玉門取之易於反掌不可失也碩德以告其主與而從之命碩德率步騎六萬伐呂隆於涼州初秃髮得檀祿西平沮渠蒙遜張掖李暠據敦煌各制方域共相侵伐碩德從金城濟河直進廣武逕蒼松至隆城下隆遣弟輔國超龍驤翹等率衆拒碩德碩德大破之於是西涼公暠河西王利鹿孤張掖公蒙遜各遣使奉表入貢於秦

案寰宇記樸剗縣漢置屬武威郡前涼改為魏安郡在昌松東昌松故城在今涼州古浪縣西隋志昌松有魏置魏安郡後周廢置白山縣新唐志昌松縣東北一百五十里有白山

山成即古之魏安郡也明一統志云湖北襄陽府即西魏魏安郡或又云四川重慶府墊江縣乃後周時之魏安縣如風馬牛不相及

又案元和志西北至涼州一百二十里本漢蒼松縣後涼置昌松郡縣屬焉晉書載記麟嘉四年以郭騰讖言改為昌松縣隋開皇初改曰永世後復為昌松有麗水府在縣城中

蒼松故城在古浪縣東北十里即漢晉之蒼松縣也

慕壽祺曰隴之形勢古戰場也自永嘉不靖吳戈雲擾區域瓜分以甘肅為尤其前涼則張氏據河西五郡後涼則呂光據涼州南涼則秃髮烏孤據西平北涼則沮渠蒙遜據張

掖西涼則李暹據敦煌斯乃四分五裂之道也而前涼見滅於苻秦後涼請降於姚秦此時西涼南涼北涼受秦官爵以地勢論之關隴唇齒力強者勝能統一者其惟秦乎然後秦不久亦為晉所滅而南涼亡於西秦西涼復亡於北涼會大夏赫運勃勃據長安勢頗盛勃勃卒而遽衰子昌為後魏所執昌弟定滅西秦旋與北燕北涼同為後魏所合併天下事往往出人意料之外者類如此誰謂戎狄不可作天子耶

九月涼王呂隆遣使降秦

隆奉表請降秦主興咨報嘉美以隆為鎮西將軍涼州刺史建康公興聞楊桓之賢與天竺鳩摩羅什之神異而徵之隆

與利鹿孤不敢留十一月鳩摩羅什至長安七年正月興如逍遙園引諸沙門聽羅什說佛經

案太平御覽呂光破龜茲獲鳩摩羅什光死子結立戲弄羅什或共棋博及殺子云斫胡

奴頭什曰不斫胡奴頭胡奴斫人頭後續弟字曰胡奴果新續曰後涼錄光之長庶子名纂故正史作纂後為呂超所弑胡奴超小字也

冬十一月涼攻魏安南涼救之

涼呂超攻焦朗於魏安朗請救於南涼利鹿孤遣將軍厚禮赴之比至超已退朗閉門拒之厚禮怒將攻之將

軍俱延曰胡孤城無食今年不降後年自服何必多殺士卒以攻之若其不捷彼必去從他國棄州境士民以資鄰敵非計也不如以善言諭之厚禮乃與朗連和尋伐取之

壬寅元興元年

後燕光始二年後秦弘始四年北魏天興五年南涼禿髮傉檀弘昌元年後涼神鼎二年北涼永安二年南燕建平三年西涼三年

春正月

南涼攻涼顯美克之

南涼王禿髮傉檀克顯美執太守孟禕而責其不早降歸附禕曰禕既受呂氏厚恩分符守土若明公大軍甫至望旗歸附恐

獲罪於執事矣得檀釋而禮之以為左司馬辭曰禕為人守城不能全復忝顯任於心竊所未安若蒙明公之惠使得就戮姑賊死且不朽得檀義而道之

案府廳州縣考顯美縣名漢置屬張掖郡後漢改屬武威郡三國魏黃初中涼州盧水胡反張既討之既潛由且次出武威胡以為神引還顯美既自武威後進軍顯美擊破之隋

志姑臧舊有顯美縣周廢其故城在今涼州永昌縣東

二月魏襲沒奔于於高平沒奔于及劉勃勃

匈奴劉衛辰後是為西夏太祖奔秦州魏常山王暹等率兵襲沒

奔于至高平沒奔于棄其部眾帥數千騎與劉勃勃奔秦州魏軍盡獲其府庫蓄積馬四萬餘匹徙其民於代都復遣兵侵河東長安大寧

案晉書載記勃勃漢時匈奴南單于苗裔居於新興隗囂之北胡人謂父為鮮卑母為鐵弗因以鐵弗為姓其後劉衛辰少子勃勃當後秦姚興時鎮朔方襲殺沒奕干而並其衆

僭稱大夏天王恥姓鐵弗自謂帝王者系與天為子是為徽赫實與天連今改姓曰赫連氏其非正統皆以鐵伐為氏庶朕宗族剛銳如鐵皆堪伐人也勃勃字屈子小字曰屈丐

沒奕干夷胡鮮卑別部本沒名奕干後因以姓名為部落之號晉穆帝升平四年奕干降秦秦主苻堅慮之塞內後為高平公出屯安定以女妻劉勃勃終為勃勃襲而殺之

秦王興遣使拜沮渠蒙遜為鎮西將軍沙州刺史西海侯

北涼攻涼姑臧不克 姑臧大饑餓死者十餘萬口城門晝閉樵路絕沮渠蒙遜引兵攻之涼王隆擊破其軍蒙遜請盟留穀萬餘斛遺之

案九州要記涼州古武威郡後漢書注武威郡古城在今涼州姑臧縣西北姑臧即今武威縣王隱晉書此城匈奴所築名善城城後人語訛為姑臧所由來久矣漢置武威郡治姑臧縣十三州志涼州姑臧縣東南有鷄陰縣因水以為名也寰宇記鷄陰城在武威縣東鷄水名俗名正陰城姑臧一名翅城一名臥龍城又名鷄鳥城

三月南涼王利鹿孤卒弟得檀立 得檀者利鹿孤弟也少機警有才略為車騎將軍利鹿孤在位軍國事皆委得檀至是寢疾令曰昔我諸兄弟傳位非子者當以秦伯一讓周道以興故也武王創踐上賓歷垂訪樊之試終能克昌家業者其在車騎乎吾寢疾懷顧是將不濟內外多虞國機務屬其令車騎經總百揆以成先王之志於是得檀立自號涼王遷於樂都改為宏昌元年秦遣使拜車騎將軍廣武公

慕壽祺曰得檀之先即晉將軍馬隆所平之樹機能也樹機能壯勇多謀略晉武帝太始中殺秦州刺史胡烈於萬斛堆敗涼州刺史蘇榆於金山又殺涼州刺史楊欣於丹嶺盡有涼州地武帝為之盱食馬隆因以成功曾幾何時向之梟首於涼州者其後嗣復為涼州刺史秦以步騎三萬襲得檀於且大敗豈天之不滅禿髮歟不然何與之暴也

夏五月魏以沒奕干權鎮上邦 先是沒奕干劉勃勃攻秦魏軍進次瓦亭至是以沒奕干鎮上邦

中殺秦州刺史胡烈於萬斛堆敗涼州刺史蘇榆於金山又殺涼州刺史楊欣於丹嶺盡有涼州地武帝為之盱食馬隆因以成功曾幾何時向之梟首於涼州者其後嗣復為涼州刺史秦以步騎三萬襲得檀於且大敗豈天之不滅禿髮歟不然何與之暴也

夏五月魏以沒奕干權鎮上邦 先是沒奕干劉勃勃攻秦魏軍進次瓦亭至是以沒奕干鎮上邦

夏五月魏以沒奕干權鎮上邦 先是沒奕干劉勃勃攻秦魏軍進次瓦亭至是以沒奕干鎮上邦

夏五月魏以沒奕干權鎮上邦 先是沒奕干劉勃勃攻秦魏軍進次瓦亭至是以沒奕干鎮上邦

秦遣鎮遠將軍趙曜率衆屯金城

秦遣使授南涼北涼西涼官爵

南涼北涼西涼已稱藩於秦故遣使授以官爵

慕壽祺曰南涼北涼西涼據甘肅上游之地而受官爵於秦何毫無發展之思乎蓋歐越之人與奚鬻不爭地江海之人與車馬不爭道三國爭地盤彼此相猜日尋兵戈秦乘其

隙而蠶食焉螳螂捕蟬黃雀在後挾彈者又在其後有強權無公理豈自今日始哉

癸卯二年

後燕光始三年後秦弘始五年北魏天興六年南涼弘昌二年北涼永安三年後涼神鼎三年南燕建平三年西涼四年明歲後涼亡

秋七月秦徵

涼呂隆爲散騎常侍以王尙爲涼州刺史

南北涼互出兵攻呂隆秦謀臣言於秦主璽曰隆今飢窘尙能自支若將來豐

贍終不爲吾有不如因其危而取之興乃徵呂超入侍遣齊難等帥兵迎隆素車白馬迎於道旁難以司馬王尙行涼州刺史鎮姑臧徙隆宗族及民萬戶於長安興以隆爲散

騎常侍超爲安定守

案後涼錄呂光苻丕將擊涼州殺其刺史代之稱王國號涼在位改元三曰大安曰麟嘉曰龍飛光卒子紹立改元咸甯尋爲兄纂弑紹自立又爲呂超所弑立其兄隆改元神鼎

爲後秦姚興所滅呂光以乙酉歲據涼州至神鼎三年呂氏敗亡歲在癸卯凡十有九年

甲辰三年

後燕光始四年後秦弘始六年北魏道武帝天賜元年南涼弘昌三年北涼永安四年南燕建平四年西涼五年

春二月南涼去年號

龍尚書官

得檀畏秦之疆乃去年號龍尚書丞郎官遣參軍關尚使於秦秦王與曰車騎獻款稱藩而擅造大城豈為臣之道乎尚曰車騎備在遐藩密邇敵蓋

為國家重門之防耳與善之傳檀求領涼州與不許

乙義熙元年

後燕光始五年後秦弘始七年北魏天賜二年南涼弘昌四年北涼永安五年南燕慕容超太上年西涼建初元年

春正月西涼公

高使上表於晉

西涼公高昌大將軍領秦涼二州牧自率師略地至於建康又追擊沮渠蒙遜於彌安大敗之遣黃始梁興間行奉表詣建康以前表未報

後復遣沙門法泉奉表於晉

張維曰玄盛崛起邊域途啓霸圖坐定千里國內無事余讀其戒子諸書誨言諄諄惻然神往可謂休休有君人之度者也當是時晉之不足有為審矣而間關奉表忠節儼然焉故國中原之恩若未嘗一日忘之者士業嗣立德澤不加茲爾國而累困於兵武昭王之遺澤盡矣身死國覆亦足哀也

夏六月秦隴西公姚碩德伐仇池屢破楊盛兵

秋九月西涼徙都酒泉

西涼公高昌與長史張邈謀徙都酒泉以逼沮渠蒙遜昂手令戒諸子曰從政者當審慎賞罰勿任意愛憎近忠直遠佞諛勿使

左右竊弄威福毀譽之來當研覈真偽聽訟折獄必和緩任理愷勿逆詐億必輕加聲色務廣咨詢勿自專用吾蒞事五年雖未能息民然含垢匿瑕朝為寇讎夕委心膂相無負

於新舊事任公平坦然無類初不容懷有所損益計
近則如不足經遠乃為有餘庶亦無愧於前人也

幕壽祺曰五涼乘晉之亂各專方面然其中有文治派焉張軌據姑臧臨終遺令曰文武
將佐務安百姓上思報國下以當家李暠徙都酒泉手令戒諸子曰吾蒞事五年雖未能

息民計近則如不足經遠乃為有餘皆仁人之言也高文學專家身經喪亂見夫河西隴
右窮兵黷武已百餘年民思息肩者十室而九終暠之世欲修文戢戈此其所培者厚至

唐高祖化家為國有天下久長未始非西涼公愛民之一
念有以感召天休也孟子曰不嗜殺人者能一之有以哉

丙二年 後燕光始六年後秦弘始八年北魏天賜三年南涼弘
昌五年北涼永安六年南燕太上年西涼建初二年 夏六月秦以禿髮得檀

為涼州刺史守姑臧 先是得檀求領涼州不許至是南涼伐北涼還獻馬三千匹至三
萬口於秦秦王與以為忠用為涼州刺史鎮姑臧徵王尙還涼州

人遣主簿胡威請留尙弟許威見與流涕言曰臣州僻遠仗良牧仁政保全至今陛下奈
何以臣等買馬羊乎若軍國須馬直煩尙書一符臣州三千餘戶朝令而夕可辦也昔漢

武帝傾天下資力開拓河西以斷匈奴不復今無故棄五郡之地忠良華族以資暴虜豈
惟臣州士民墜於塗炭恐方為聖朝肝食之憂與悔之使人馳止尙則得檀已軍五洲逼

遣尙行別駕宗敞送尙還長安得檀謂曰吾得涼州三千餘家情之所寄惟卿一人而已
奈何捨我去乎敞曰今送舊君所以忠於陛下也得檀因問新政所宜敞曰惠撫其民收

用賢俊因薦本州名士十餘人得檀嘉納之得檀宴於宣武堂仰視嘆曰古人有言作者
不居居者不作信矣孟禕曰昔張文王始於此堂於今百年十有二主矣惟願信思願者

可以久處得檀善之得檀雖受秦爵命然其車服禮儀皆如王者

案武威郡即故涼州戰國及秦為月氏地漢初為匈奴休屠王地元狩二年開置武威郡治姑臧縣三國魏文帝分置涼州晉時前涼後涼北涼皆都於此後魏神龜中改州為鎮

唐武德二年復曰涼州廣德二年陷於西蕃宋初曰西涼府景德中陷於西夏明洪武九年改置涼州衛清雍正二年改為涼州府領縣五

案晉書載記傷檀問政於涼州別駕宗敞敞薦本州名士十餘人其人為誰曰段懿孟禕武威之宿望平晁彭敏秦隴之冠冕裴敏馬輔中州之令族張昶涼國之舊胤張穆邊憲

文齊楊班梁嶽趙昌武同飛羽何才之多也蓋自中原兵亂屠膾蒼生世族大家顛沛尤甚聞河西不遠歸風虛襟正直流亡士族多極負歸之斯時張軌積德河西四世忠貞故

遺澤猶存書曰雖無老成人尙有此型實其然乎

慕壽祺曰河西完富兵馬精強地與隴蜀相接光武用竇融守河西以逼囂述若割棄一方萬里之士使左袵之虜得居此地士勁甲堅因為亂此所謂引虎入室也以秦王與

之明敏豈知涼州天下要衝國家藩衛一旦徵王尙還以得檀為涼州刺史無故棄河西五郡舉忠良華族以資暴虜豈不大可惜哉

秋九月沮渠蒙遜襲酒泉李嵩嬰城固守蒙遜引還

丁三年後秦弘始九年北魏天賜四年後燕高雲正始元年夏赫連勃勃龍昇元年南涼弘始八年北涼永安七年南燕太上三年西涼建初三年夏六月赫

連勃勃叛秦襲殺沒奔于於高平自稱大夏天王

勃勃遊岸美風度性勢慧秦王與見而奇之與論大事寵遇踰

於勳舊與弟邕曰勃勃不可近也與曰勃勃有濟世才吾方與之平天下奈何逆忌之乃以為將軍使助沒奔于鎮高平伺魏間隙與乃止久之竟配維虜二萬餘落使鎮

朔方勃勃遂謀叛秦柔然獻馬於秦勃勃掠取之襲殺沒奔于而並其眾自謂夏后之苗裔稱大夏天王

案十六國春秋前燕後燕皆慕容氏此何以書高雲蓋雲本姓高氏為後燕熙養子借即王位改元正始自謂無功德而為豪傑所推常畏懼畜養壯士以為腹心有離班桃仁者

專典禁衛賞賜月至數千不測殺雲而眾推馮跋為主跋字文起信都人遂為北燕改元太平而後燕亡矣

案周春代北姓譜赫連氏蕃姓匈奴左賢王劉去卑之後去卑即獨孤氏祖或云去卑本姓鐵勿北人謂胡父而鮮卑母也傳至勃勃仕後秦姚興鎮朔方既而自稱大夏天王後

取徽赫與天連之義改姓曰赫連都統萬其故城在陝西懷遠縣

又案鎮原縣志縣東二十五里許有赫連城倚北山蒞茹水勃勃初叛秦時之所築也今為祁家坪峯環溪繞連城遺址猶存迄今城之左有五六里間水無名曰無獨鼠棘無

倒刺俗傳為赫連天子所除千載不爽噫異矣而鎮原之南川山谷中有赫連墓孤峯獨聳層巒擁護骸骸峯內此訛傳也大夏錄勃勃薨於永安殿諡武烈皇帝葬嘉平陵鎮原

縣南之勃勃墓無所本

慕壽祺曰沒奕于嘗以女妻勃勃矣終為勃勃所殺何其忍也自來圖大事者親父兄且不顧西楚項王欲烹太公漢高祖願分一杯羹沮渠蒙遜謀據張掖令段業殺其兄男成妻之父又何論乎

赫連勃勃攻姚興敕奇堡黃石固我羅城皆拔之

黃石即百泉廢縣在今化平縣境我羅城在黃石泉敕奇堡在平涼

北縣

秋九月南涼伐北涼沮渠蒙遜與戰於均石大破之

得憤既為涼州刺史偽遊漢河襲從西平湟河詣羌三萬

餘戶於武興番禾武威昌松四郡徵集戎夏之兵五萬餘人大闚於方亭遂伐沮渠蒙遜入西陝蒙遜率衆來拒戰於均石為蒙遜所敗俘檀率騎二萬進殺四萬石以給西郡蒙

蒙攻西郡陷之

案胡三省通鑑注鈞石在張掖之東西陝之西蓋西郡也張掖縣志均石在縣東十六國春秋禿髮儁檀宏昌六年伐沮渠蒙遜於張掖入自西陝沮渠蒙遜來拒戰於鈞石勃勃敗績

西郡在今山丹縣境舊屬張掖郡除見後義熙六年日勒縣注及是年秋七月蒙遜次西郡注

冬十一月夏王勃勃破薛于等部降之進攻秦大破之

夏王勃勃破鮮卑薛于等三部降其衆以萬數進攻

秦三城以北諸戍斬秦將錫丕姚石生等諸將皆曰陛下欲經營關中宜先固根本使人
心有所憑繫高平險固饒沃可以定都勃勃曰吾大業草創姚興亦一時之雄未可圖也
今專固一城彼必並力於我亡可立待不如以驍騎風馳出其不意救前則擊後救後則
擊前使彼疲於奔命我則游食自若不及十年嶺北河東盡為我有待興既死嗣子闇弱
徐取長安在吾計中矣

於是侵掠嶺北諸城

案禹貢離疏秦嶺東起商洛西蓋沂隴南山之脊江河之水所由分處故嶺南之水皆謂
之江嶺北之水皆謂之河史記索隱長安正南山名秦嶺谷名子午後漢書注子午長安
正南山名秦嶺谷一名樊川太平寰宇記秦嶺東西口八百里嶺根水北流
入渭號為八百秦川亦即丹水所出勃勃所謂嶺北殆指秦嶺以北而言也

戊申四年 後秦弘始四年北魏天賜五年南涼嘉平元年北涼永安八年
後燕正始二年夏龍昇二年南燕太始四年西涼建初四年

夏五月秦遣兵

襲南涼討夏皆敗績

秦王興以傳檄內外多難欲因而取之使韋宗往覘之傳檄與
宗論當世大略縱橫無窮宗退歎曰奇才矣器不必華夏明智

敏識不必讀書吾乃今知九州之外五經之表復自有人也歸言於興曰涼州雖弊得檄
權譎過人未可圖也興曰劉勃勃以烏合之眾猶能破之况我舉天下之兵以加之乎宗
曰不然形移勢變反覆萬端陵人者易敗戒懼者難攻傳檄之所以敗於勃勃者輕之也
今我以大軍臨之彼必懼而求全竊觀羣臣才略無得檄比者雖以天威臨之亦未敢保
其必勝也興不聽使其子廣平公弼將軍敏成帥步騎三萬襲得檄僕射齊難帥騎三萬
討勃勃弼長驅至姑臧得檄嬰城固守出奇兵擊破之令郡縣悉散牛羊於野敏成縱兵

抄掠又擊敗之勃勃聞秦兵且至退保河曲齊難遂縱兵野掠勃勃潛師襲破禽之及其將士萬三千人於是嶺北夷夏附於勃勃者以萬數勃勃皆置守宰以撫之

幕壽祺曰秦兵一也加於南涼則書襲加於夏則壽討此何為者蓋勃勃國破家覆臣於秦而受其封置焉夫事秦而復叛罪不容寬矣直書曰討史臣之筆嚴矣魏崔浩論勃勃

曰屈巧寄食姚氏不思報恩而乘時微利盜有一方雖能縱暴於一時終為人所吞耳何言之當也傳檀亦一時之雄秦無故興兵攻之故書曰襲一字之間固不可苟也如此夫

秋七月夏王勃勃伐南涼傳檀與戰於陽武峽敗績

勃勃初僭號求婚於秃髮傳檀弗許勃勃怒率騎二萬伐

之自楊非至於支陽二百餘里殺傷萬餘人驅掠二萬七千口牛馬羊數十萬而還得檀衆追之其將焦朗謂傳檀曰勃勃天姿雄偉御軍齊肅未可輕也今因抄掠之資率恩

歸之士人自為戰難與爭鋒不如從溫關北渡趣萬斛堆阻水結營則其咽喉百戰百勝之術也傳檀將賀連怒曰勃勃以死亡之餘率烏合之衆犯關結陣幸有大功今牛羊塞

路財寶若山窟弊之餘人懷貪競不能督厲士衆以抗我也我以軍臨之必土崩魚潰今引軍避之示敵以弱我衆氣銳宜在速進傳檀曰吾追討決矣衆諫者斬勃勃聞而大

喜乃於陽武下峽擊陵埋車以塞路傳檀遣善射者射之中勃勃左臂勃勃乃勒衆逆擊人敗之追奔八十餘里殺傷萬計斬其大將十餘人以爲京觀號獨樓臺還於嶺北

案平番縣志楊非亭在縣西晉太元初秦兵濟河攻纏宿城涼將馬建懼自楊非退屯清塞水經注楊非亭在廣武北五代時有非谷首領即楊非亭之訛纏宿城在今平番縣南

與故廣武相近秦將梁熙伐前涼與苟萇攻陷纏宿城即此

冬十二月西秦乞伏熾磐招結諸部二萬餘人築城於嶮岷山而據之

案元和郡縣志嶮岷山在皋蘭東南一百四十里通鑑注謂在范川西似又在金縣境金縣馬銜山支峯有名可狼山者俗又稱熱薄汗山以里數計之疑即嶮岷山馬銜山在皋

蘭縣東南一百里跨狄道金縣綿亘數百里高四十里雖炎夏冰雪不消其北支有分水嶺

案今甯定縣治舊名太子寺屬河州即西秦王乞伏熾磐所築之嶮岷城也義熙七年熾磐置武威郡治嶮岷城又徙羌句豈部於疊蘭城通鑑注疊蘭在大夏縣西南嶮岷城東北

巳五年

後秦弘始十一年北魏太宗拓跋嗣永興元年南燕太上五年西秦乞伏乾歸更始元年南涼嘉平二年夏龍昇三年北涼永安九年西涼建初五年後燕正始三

年春二月乞伏乾歸自秦逃歸苑川

先是義熙三年春正月秦主姚興遣使歸終為西州忠因其朝也留為主客尚書以熾磐為建

武將軍監其部衆至是熾磐入見秦太原公懿於上邽彭奚念乘虛伐之熾磐聞之怒不告而歸擊奚念破之遂克袍罕乾歸由長安奔還苑川夏四月乾歸知袍罕留世子熾磐

鐵之收其衆得二萬人徙都度堅山自稱秦王

案元一統志苑川在蘭州西金縣志苑川即今源川考宋金二史地理志源俱作原其地北距新營南距瓦家河均五里水皆東流上更無川與水經注歷此城川北逕牧師苑不

合當與大營川同爲古子城川地惟賈子堡川總匯乘流土田膏沃宋時謂之智固川應
卽漢時牧師苑故地二志俱誤又案文獻通考苑川在蘭州五泉縣通鑑輯覽注謂在金
縣方輿紀要謂在靖虜衛西南二百里今
考此川確在榆中縣境與皋蘭靖遠無涉

又案北周庾信撰上柱國宿國公河州都督普屯威神道碑云以今開皇元年七月某日
反葬於河州金城郡之苑川鄉普屯威本狄道人自其祖父寄居洛陽卒後歸葬苑川鄉

苑川乞伏氏所都今屬榆中縣北周時錯壤在狄
先是建德四年有將軍賀婁茲亦歸葬於苑川

墓壽祺曰民國初農人在苑川耕地天新雨土性鬆人與牛忽陷入穴中村人聞而救之
擇有膽力者數人縋而下穴甚深以丈量者再旁有墜道如城高五尺餘村農攜帶火種
由城門入行到深處見石人如翁仲者數枚再行有屍骸數具其頭鬚皆大其腿骨甚長
無棺陰氣凜然逼人火氣倉皇出從而掩之友人許季梅爲余言昔非西秦乞伏氏陵卽
係賀婁茲普屯威之墓其中必有古碑司據爲修史資料卽村農所見之枯骨亦可研究
生理學擬往觀焉白之榆中縣知事知事不肯親臨謂掘發古墓有干例禁噫何其迂哉

冬十月西秦以焦遺南安人仕西秦爲太子太師與參軍國大謀秦王乾歸謂其太子熾磐曰焦生非特名儒乃王佐

才也汝事之當如事吾熾磐拜遺於牀下遺有子二長曰華少曰椿華至孝乾歸欲以女
妻之華辭曰夫娶妻者欲與之共事二親也今以王姬下嫁蓬茅之士臣懼其闕於中饋
也乾歸曰卿之所行古人之事孤女不足
以強卿乃以爲尙書郎椿爲太子司直

案鞏昌府志邵羌仕苻秦為南安太守舉王猛共討羌敵岐遂擒敵岐於白馬龐演仕後秦為右長史與天水尹緯等扇動羣豪推姚萇為盟主姚晃仕後秦為司馬龐樹仕魏有勳勞張儁仕後秦起為令轉參大將軍軍事至晉昌太守年大八十九以秦白雀二年三月卒追贈西海太守省南安人

慕壽祺曰於戲五湖十六國之際苻氏呂氏姚氏乞伏氏皆起於隴西故南安赤亭氏當是時中原板蕩三秦迭霸進命如王猛者亦仕其國况其下乎焦遺通達治體致仕太師倫遇苻堅亦王猛之流亞歟惜生逢亂世隨世以就功名雖非君子所貴然亦可以悲其遇矣

庚六年 後秦弘始十二年北魏永興二年西秦更始二年南涼嘉平二年北涼永安十年夏龍昇四年西涼建初六年是歲後燕為北燕滅南涼為宋滅 卷二一月

夏王勃勃寇秦隴右攻白崖堡破之 勃勃既破白崖堡遂趨清水後秦昭陽太守姚萇都棄城奔秦州勃勃東攻白沙鎮西攻

白石堡西秦王攻秦略陽克之徙其民於苑川

案地理志白崖有二勃勃所攻之白崖堡在今清水縣東境宋元嘉十九年魏仇池楊文德叛據白崖此故漢中府沔縣西北之白崖也在大安驛東北八十里白沙鎮白石堡俱

在清水

案白沙鎮即古秦亭在清水縣東四十里天水縣東南五十里亦有秦亭山而秦非子所封之秦亭則在渭水俗名亭樂山後漢書郡國志隴縣有秦亭觀關曰秦亭案合是也水

經注秦川有故事秦仲所封秦之爲號始於是李吉甫曰周孝王邑非子於秦亭今天水隴縣秦亭春谷也樂史曰清水地即秦仲所封當時邦戎未滅秦亭之不在上邦南也明矣清水志秦亭在縣東三十里即今白沙鎮唐杜甫有白沙渡詩

三月西秦遣隴西羌攻秦金城克之太守任蘭不屈死西秦主乾歸遣隴西羌昌

守任蘭蘭屬色賁乾歸以背恩忘義乾歸怒而囚之蘭遂不食死乾歸以其驍騎乞伏務和爲東金城太守姚興嘗乾歸大軍于河南王八月乾歸復都苑川

慕壽祺曰戎狄所重者兵權耳兵權在手則兄弟父子死父盡歸國視深可以竊一方矣秦主姚興知乞伏乾歸之大有野心也留之長安則兵權已入西秦不成其爲國矣失

國八年之久一旦縱虎歸山徒苦吾隴上父老子弟爲也雖然古今視此者多矣晉王衍縱石勒唐張守珪赦安祿山遼道宗末年不殺阿打骨帶人民其數已定非人力所能挽

回也耶

張掖地震山崩折木沮渠蒙遜攻禿髮氏西郡太守楊統於日勒降之時以辛酉日地

震太史令劉果言於遜曰辛酉金也金動則木大軍東行無前之象又張掖城每有光蒙遜喜曰生氣將成百戰百勝之象也遂決意東行前拔西郡虜呂純而北伐西郡降楊統

意奪之後涼而旋失之於南涼至是復奪歸也

案後漢書郡國志曰勒縣獻帝分置西郡自姑城西北出張掖度大嶺而西西郡當其要嶺謂之丹嶺也十六國春秋蒙遜永安八年敗禿髮傳檀於鈞石進攻西郡太守楊統於日勒拔之際志刪丹有西郡永甯縣西魏郡廢改縣爲弱水周省入刪丹今名古城窳其故城在山丹縣東南

南涼擊北涼敗績遂遷於樂都

傳檀自將五萬騎伐蒙遜戰於窮泉傳檀大敗蒙遜乘勝進圍姑臧夏萬餘戶降於蒙遜傳檀懼納質請和

蒙遜徙其衆八千餘戶而去傳檀畏逼遷於樂都姑臧人推焦朗爲主降於蒙遜樂都在今西甯碾伯縣西餘見隆安三年春正月注

秋七月西秦攻秦略陽南安隴西諸郡克之

西秦王乾歸又攻克略陽南安隴西諸郡徙二萬五千戶於苑川枹罕姚興

力未能西討恐更爲邊害遣使署乾歸持節散騎常侍都督隴西諸北匈奴雜胡諸軍事征西大將軍河州牧大軍于河南王乾歸方圖河右權宜受之遂稱藩於興

北涼伐禿髮傳檀徙其西郡數千戶於張掖

蒙遜次西郡風來五色時蒙遜至顯美徙數千戶而還傳檀追之至窮泉蒙遜

敗之傳檀請和而去前者南涼伐蒙遜於氏池芟其禾苗至赤泉而還又伐蒙遜掠臨松千餘戶而去蓋相償也

案地理志西郡後漢獻帝時置在今甘肅山丹縣境晉志西郡又領仙隄萬歲蘭池三縣舊唐志晉分刪丹置仙隄萬歲蘭池三縣隋煬帝併入刪丹山丹舊志有仙隄鋪在縣東

十里蓋以故縣爲名萬歲城後漢光武時竇融所築以扼邊夷其故城在今張掖縣境氏池縣漢武帝元鼎六年置屬張掖郡即今民樂縣治赤泉本名紅水河後訛爲洪水在故

東樂縣東南一百餘里今屬民樂

辛七年後秦弘始十三年北魏永興三年南涼嘉平四年北涼永安十一年西秦更始四年夏龍昇五年西涼建初七年北燕馮跋太平元年春西秦復降

於秦秦使太尉索稜鎮隴西招撫西秦乞伏乾歸遣使謝罪請降秦拜乾歸河南王太子熾警平昌公

夏五月秦河南王乞伏乾歸以子木奕干為武威太守鎮燉煌城乾歸徙羌句豈等部衆於燉煌

城以兄子阿榮為驍騎太守以鎮之至是復以子木奕干為武威太守鎮燉煌城

夏王勃勃攻秦杏城斬其守將姚詳遂攻安定東鄉皆克之秦姚詳屯杏城為夏王勃勃所逼南奔大

蘇勃勃追斬之遂攻安定破楊佛嵩降其衆數萬進攻東鄆下之秦北參軍王買德奔夏勃勃問以滅秦之策買德曰秦德雖衰藩鎮猶固願且蓄力以待之勃勃以為軍師中

將郎

案拓地志杏城在陝西延安府中部縣西南漢於此置翟道縣以春秋時白翟所居地也姚秦始置中部郡晉書載記姚襄從北屈將圖關中進屯杏城晉孝武太元十五年夏秦將軍魏揭飛攻後秦杏城劉宋元嘉二十三年北地盧水人蓋吳於杏城舉兵反即此後改為鄜州與甘肅慶陽府連界

西秦徙鮮卑僕渾部於度堅城以子敕教爲秦興太守以鎮之

南涼攻北涼大敗而還

先是北涼王蒙遜攻南涼圍樂都不克至是南涼王傳檀欲伐北涼護軍孟愷諫曰蒙遜新並姑臧兵勢方盛不可攻也不聽發兵

五道俱進至番禾召藺掠五千餘戶而還將軍屈右曰今既獲利宜倍道旋師早度險厄蒙遜若輕軍猝至大敵外逼徙戶內叛此危道也又不聽俄而昏霧風雨蒙遜兵大至傳檀敗走蒙遜進圍樂都復取其子染干爲質而還

秋八月沮渠蒙遜襲西涼大敗而歸

蒙遜帥輕騎襲西涼西涼公嵩謂諸將曰兵有不戰而敗敵者挫其銳也蒙遜新與吾盟而遽來襲

我利在速戰待其銳氣竭而擊之蔑不克矣頃之蒙遜糧盡而歸嵩遣世子歆帥騎邀擊之蒙遜敗走獲其將沮渠白年

案元經涼李暠初西時留女名敬愛養於外祖尹文文既東還定姑梁養之其後禿髮傳檀假道北山遣襄送敬愛於酒泉與暠通好暠率騎二萬略地至建康沮渠蒙遜聞之來侵建康暠大怒率兵追及戰於彌安大敗之

西秦攻秦柏陽堡水洛城皆克之

西秦王乾歸攻秦略陽太守姚龍於柏陽堡克之冬十一月進攻水洛城又克之遣乞伏審虔帥衆二萬

之城

案秦州志柏陽即伯陽在清水縣西南一百二十里後魏置伯陽縣隋開皇中改名秦嶺
屬天水郡唐貞觀十七年省入清水縣一統志云水洛城在平涼府鞏州西南百里餘

後見

王八年後秦弘始十二年北魏永興四年西秦乞伏熾磐永康元年北涼玄始元年南涼嘉平五年夏龍昇六年西涼建初八年北燕太平二年春正月西秦

王乾歸討西羌斬羌酋彭利髮先是西羌彭利髮襲據枹罕乾歸討之不克而還至是復討敗之利髮南走追斬之以乞伏番郊為河州刺史

鎮枹罕

二月西秦王徙都譚郊先是乾歸克秦水洛城徙其民三千餘戶於譚郊因城其地至是徙都之以驍騎將軍晏機與其世子熾磐鎮苑川今河州西

北有譚郊故城

案胡三省通鑑注譚郊在治城西北一統志治城在河州西北譚郊亦在河州西北循化廳志治城距河州一百一十里當在今積石關內譚郊又在治城西北是在循化境內矣

夏六月西秦乞伏公府弒其君乾歸秋八月世子熾磐討殺之而自立先是乞伏國仁

之死也其羣臣咸以國仁之子公府冲幼宜立長君乃推乾歸為大都督大將軍大單于河南王公府不無缺望近復敗於五谿有梟集於其手甚惡之至是為兒子公府所弒並

及其諸子十餘人公府走保大夏熾馨與乾歸弟廣武智達陽武木奔于討之秦人多勸秦王興乘亂取熾馨興曰伐人喪非禮也夏王勃勃欲攻之王買德曰熾馨吾之與國今遭喪亂吾不能恤而又伐之匹夫且猶恥焉况萬乘乎勃勃乃止七月達等追擒於曠曠南山並其四子獻之於譚郊梓乾歸於枹罕偽諡武元王在位二十四年八月熾馨自立為河南王遷都枹罕

案元和志五谿聚在隴西縣東後漢建武十年來歙破羌於五谿即此當是時隴西屬乞伏氏後西秦敗亡之歲乞伏暮末為西夏所逼遷保南安南安今鞏昌府洮陽西郡地

冬秦雍州刺史楊佛昌攻夏夏王勃勃與戰破之

北涼遷於姑臧先是魏安人焦朗猶據姑臧沮渠蒙遜攻拔其城勃朗而宥之以其弟擊為秦州刺史鎮姑臧至是始去張掖徙都於涼州人赦改元稱河西王自

署官

秦討楊盛於仇池無功而還仇池公楊盛叛秦侵擾祁山秦王興遣將軍趙琨等將兵討之興自雍赴之與諸將會於龍口進至仇池盛帥衆與

琨相持立節將軍姚伯壽畏懦不進琨以衆寡不敵為盛所敗興斬伯壽而還祁山在今西和縣注見三國時蜀漢主

癸九年後秦弘始十五年北魏永興五年夏鳳翔元年南涼嘉平六年北涼玄始二年西秦永康二年西涼建初九年北燕太平三年 春西秦王乞伏

熾磐遣將擊顯親休官權小成等於白坑斬之熾磐遣其鎮東將軍疊達與松壽率騎一萬東討破休官權小郎呂

破胡於白石川虜其男女萬餘口進據白石城休官降者萬餘人後顯親休官權小成呂奴迦等叛保白坑疊達謂將士曰昔伯珪憑嶮卒有滅宗之禍韓約肆暴終受覆族之誅

今小成等逆命白坑宜在除滅王者之師有征無戰粵爾與人戮力勉之衆咸拔劍大呼於是進攻白坑斬小成奴迦及首級四千七百隴石休官悉降

秦素稜以隴西降西秦

西秦乞伏熾磐擊吐谷渾支旁於長柳川破之先是隆安四年吐谷渾主視熊卒子樹洛干年少以其弟烏紇提嗣烏紇

提鳳抄西秦境西秦乞伏乾歸討之義熙元年烏紇提爲乾歸所敗保南涼卒樹洛干嗣至是吐谷渾支旁爲熾磐所破又破吐谷渾別統振遠於渴渾川又遣將擊吐谷渾別部

句旁於泣勤川大破之

案長柳川渴渾川皆在今臨潭縣西南泣勤川在臨潭縣南吐谷渾國部在青海其部落住洮州一帶故乞伏與吐谷渾戰地多在洮州所屬

赫連勃勃城統萬安定胡義周獻功德頌

夏主勃勃以叱干阿利領將作大匠發夷夏十萬人築都城於朔方黑水之南曰朕

方統一天下君臨萬邦新城官名統萬阿利性巧而殘忍蒸土築城錯入一寸卽殺作者而並築之勃勃以爲忠委任之高十仞基厚三十步上廣十步宮燿高五仞其堅可以厲

赫連蓋土築城

致事處筆意頗深直似馬班

乃燬垣三字
下是圖存案

刀斧臺樹壯大皆雕鏤圖畫被以錦繡勃勃自名城之四門東曰招魏南曰朝宋西曰服涼北曰平朔皆好自誇大之辭也及落成赦其境內刻石銘功德祕書監胡義周獻頌以之訣

南涼伐北涼不克湟河太守以郡降於蒙遜

傳檀將兵伐蒙遜蒙遜敗之於若子鵠又敗之於若涼因進圍樂都二旬不克

南涼湟河太守文支以郡降於蒙遜以文支為廣武太守乃復伐南涼傳檀以太尉俱延為質乃還

甲寅十年

後秦弘始十六年北魏明元帝神瑞元年南涼嘉平七年北涼玄始三年西秦永康三年夏鳳翔二年西涼建初一年北燕太平四年

夏六月西秦

襲滅南涼以傳檀歸殺之

睡契汗乙弗等部叛南涼南涼王傳檀欲討之孟愷諫曰今年饑饉南逼熾磐北逼蒙遜百姓不安遠征雖克必有

後患不如與熾磐結盟通羅慰撫雜部足食綉兵俟時而動傳檀不從謂太子虎臺曰蒙遜不能容來熾磐兵少易禦汝謹守樂都吾不過一月必還矣乃帥騎七千襲乙弗人破之西秦王熾磐聞之帥步騎二萬襲樂都虎臺憑城拒守熾磐四面攻之一夕城潰熾磐入樂都徙虎臺及其文武百姓萬餘戶於枹罕傳檀兄子樊尼馳告傳檀將士聞亂皆逃散唯樊尼不去傳檀曰四海之廣無所容身與其聚而同死不若分而或全汝吾長兄之子宗部所寄蒙遜方招懷士民存亡繼絕汝其從之吾老矣所適不容甯見妻子而死遂歸於熾磐惟陰利鹿隨之傳檀謂曰吾親屬皆散卿何獨留對曰臣老母在家非不思歸然委質為臣忠孝之道難以兩全臣不才不能為陛下泣血求於鄰國敢離左右乎傳檀

諸城皆降於熾磐惟有尉賢政屯浩靈固守不下熾磐使人謂之曰樂都已潰卿妻子皆在吾所獨守一城將何爲也對曰臣受涼王厚恩爲國藩屏雖知樂都已陷妻子爲禽不知主上存亡未敢歸命妻子小事何足動心若貪一時之利忘委付之重者大王亦安用之熾磐乃遣虎臺以手書喻之賢政曰汝爲儲嗣不能盡節而縛於人棄父忘君墮萬世之業賢政義士豈效汝乎聞得禮至左南乃降熾磐聞傳禮至遣使郊迎待以上賓之禮

案漢書郡國志浩靈縣名昭帝始元六年置屬金城郡晉書地理志涼州刺史統金城郡領縣五而浩靈居其末隋志湟水縣有舊浩靈縣後周並入水經注浩靈河東逕浩靈縣故城西西甯府志浩靈縣故城在故碾伯縣東或謂新莽時改浩靈爲興武縣

案元和志左南縣名晉惠帝永甯中置其故城在今西甯碾伯縣南地臨黃河圖經左南城河水經其南故曰左南十三州志石城西一百四十里有左南城水經注河水逕左南城南前涼錄張璠從左南城南截趙麻秋軍又張天錫討羌麻歧使掌璠向左南皆此城也

案西甯縣志西去縣治五里有虎臺焉階九層高九丈八尺相傳南涼王所築禿髮傅檀子名虎臺或是其所築也或曰將臺亦傳南涼所築又傳檀子虎臺晉書作武臺又案晉書載記南涼禿髮烏孤與拓跋氏同祖本河西郡統自立爲王改爲太初元年臨卒遺命立其帝利鹿孤改元建和利鹿孤卒傳檀復立而皆不傳子傳檀改元二曰弘昌

曰嘉平後爲西秦所滅自烏孤太初元年歲在丁酉至傳檀薨之歲計十有八載

慕壽祺曰得檀之敗衆叛親離宗室惟陰利鹿隨之有地方之責者尉賢政固守不下可謂鐵中錚錚者矣雖不能西哭沮渠中包背之義東感秦援展毛遂之操而歲寒不凋於賢政見之役之將佐坐視地方糜爛不奮身以救又委身從賊而以逼於不得已爲辭者皆史策所必誅者也

乙卯十一年 後秦弘始十七年北魏神瑞二年北涼玄始四年西秦永康四年夏鳳翔二年西涼建初十一年北燕太平五年 春秦遣廣平公姚弼守秦州

秦廣平公弼詣姚宣於秦王興遣使就杏城收宣下獄命弼將三萬人守秦州以仇池楊盛夏王勃勃時謀攻取秦州故也

北涼攻西秦拔廣武 廣武前涼郡名一統志云故城在臨洮府蘭縣西一百二十里即今平番縣東南境今番屬涼州府平番今改登縣

夏五月北涼王蒙遜遣使上表於晉 晉益州刺史朱齡石遣使詣北涼喻以朝廷威德北涼王蒙遜遣使報聘且上表內附其

文曰益州刺史朱齡石遣使詣臣始具朝廷休問承將軍劉裕秣馬揮戈以中原爲事謂天贊大晉篤生英輔也陛下據全楚之地擁荆揚之饒安可垂拱晏然棄二京之勢以資戎虜乎若六軍北軫克復有期臣請率河西諸戎爲晉右翼前驅自是宋依晉故事並遙加蒙遜官號編纂之也

慕壽祺曰蒙遜出自夷獫狁邊塞而上表內附與前涼張軌西涼李暠翼戴晉室可謂輝映後先矣其他軼事多有可稱者初爲梁熙呂光所憚蒙遜常游飲自晦匿智圖全史稱其善權變自然段業築西安城以城莫核爲太守蒙遜曰莫核勇而無謀知進忘退所謂爲之築塚非築城也旋爲呂纂所敗料事之明如燭照數計業門下侍郎馬權滿爽有

謂爲之築塚非築城也旋爲呂纂所敗料事之明如燭照數計業門下侍郎馬權滿爽有

逸氣武略過人爲業素所倚重蒙遜譖而殺之非所謂先發制人者耶已而乘時違會遂其初心而卽位之十四年起游林堂於內苑圖列古聖賢之像嘗謂郎中劉炳曰聖人者不凝滯於物而能與世推移是豈糾糾者所能道耶其臣張潛劾蒙遜蒙遜其弟彊曰何故違離鄉土受制於人蒙遜乃斬潛其伯父中田護軍親信臨松太守孔篤並驕奢侵害百姓苦之皆令自殺何決斷一至於此張掖太守勾呼勒出奔西涼後還待之如初又何其厚也嗚呼此其所以控制河西推爲人傑也哉

西秦襲湟河擒沮渠漢平歸

西秦王熾磐帥衆三萬襲湟河蒙遜弟漢平遣司馬隗仁夜出擊破之熾磐將引去漢平長史焦祐將軍段景潛召

熾磐熾磐復攻之漢平力屈爲熾磐所擒

丙十二年

後秦姚泓永和元年北魏明元帝泰常元年北涼玄始五年西秦永康五年夏鳳翔四年西涼建初十二年北燕太平六年

春正月秦姚

弼姚悛作亂伏誅秦王與卒子泓立

綱目於姚弼凡五書所以示匹嫡之戒歟矣

西秦攻秦湟川

西秦王熾磐攻秦洮陽公彭利和於湟川沮渠蒙遜攻石泉以救之熾磐至沓中引還二月熾磐遷襄武侯彊達救石泉蒙遜亦引去遂與熾磐結

親和

案地理志沓中地名在洮州西南羌中卽沙湟之地三國時蜀姜維退屯沓中卽此湟川群名其地西接黃沙亦稱沙湟注見前

三月仇池公楊盛攻秦祁山拔之進逼秦州殺其守將姚嵩

仇池公楊盛攻陷祁山魏建節王總遂逼

秦州泓遣後將軍姚平救之盛引退姚嵩與平追盛及於竹園姚嵩率隴西太守姚秦都略陽太守王煥以禁兵赴之讚至秦州盛退還仇池先是天水冀縣石城鳴聲聞數百里野雉皆雊秦州地震者三十二殿殷有聲者八山崩舍壞咸以為不祥及嵩將出羣僚固諫止之嵩曰若有不祥此乃命也安所逃乎遂及於難識者以為秦州泓之故鄉將滅之

也徵

夏四月西秦襄武侯曇達等擊後秦秦州刺史姚艾於上邽破之

六月夏王赫連勃勃攻秦陰密克之

勃勃聞姚嵩與楊盛相持率騎四萬襲上邽未至盛已破嵩勃勃攻陰密二旬克之執後秦秦

州刺史姚軍都坑將士五千餘人軍都曠曰厲聲數勃勃殘忍之罪不為之屈勃勃怒而殺之

案地理志赫連勃勃初以雍州刺史鎮陰密括地志陰密故城在安定縣西鴛鴦縣東鴛鴦即今靈臺縣左傳密須之鼓杜預注密須姑姓國在陰密縣漢書地理志安定郡涇陰

密縣晉胡遵封陰密侯餘見前

冬十二月西秦遣使內附於晉

西秦王熾磐遣使詣太尉劉裕求舉秦自效以為平西將軍河南公

丁十三年 後秦永和二年北魏泰常二年北涼玄始六年西秦永康六年夏鳳翔五年西涼李歆嘉興元年北燕太平七年 春正月秦安定守

將姚恢反伏誅

初後秦吏部郎懿稱密言於秦主泓曰恢有忠勳今未加殊賞而置之死地安定人以孤危逼寇思南遷者十室而九若恢擁之以向京

師得不為所擾變乎宜徵還以慰其心泓又不聽至是恢帥鎮戶三萬八千趨長安移檄州郡長安大震泓使東平公紹擊之恢敗而死

二月西涼公李暠卒世子歆立

暠疾願命宋綏曰吾喪亂之際遂為此方所推不能一同河石今氣力蹙然不復起矣死者人理吾不悲之

所恨志不申耳吾終之後世子歆猶嗚子也無使專廢自任薨年六十七諡曰武昭王歆字士業府寮奉為涼公

吐谷渾樹洛干為西秦乞伏熾磐所敗走保白蘭山

熾磐遣其子木奕干擊樹洛干破其弟阿子干於堯杆川

樹洛干退保白蘭山

案吐谷渾視熊之子樹洛干嗣率數千家奔歸莫何川自辭大部督中騎將軍大單于吐谷渾王乞伏歸攻赤水樹洛干人敗降拜平狄將軍赤水都護以其弟吐護真為捕虜將軍層城都尉莫何川譯言大布拉克泉水也今稱謨和爾布拉克莫何赤亦在莫何川東今稱烏蘭布拉克層城方輿紀要在洮州衛西南七十里即古洮陽城堯杆川在洮州

衛西南

夏四月北涼遣使誘西涼公歆來迎歆大破之

初武昭王司馬索承明勸嵩伐北涼嵩謂之曰冀遜為百姓患孤豈忘之

顧勢力未能除耳卿有必禽之策當為孤陳之直唱大言使孤東討此與言石虎小豎宜肆諸市朝者何異承明慙懼而退至是蒙遜欲伐西涼以師出無名且乘人之喪恐為天下笑乃使張掖太守沮渠廣宗詐降於李歆誘之來迎而以三萬人伏於參泉歆覺引退蒙遜追而薄之歆貫甲先登大敗遜師追奔一百餘里俘斬七千餘級當是時狄道辛深為歆將初戰失利李歆喪馬深以已馬授歆而身死於兵以義烈見稱於西土蓋以先敗而後勝也

按甘州府志參泉在撫彝廳東南隅泉流澗澗樹木映帶為院建北即以為名地理志在張掖郡西一百二十里祁連山北有建康軍西北二十里有參泉城即沮渠蒙遜與西涼

交戰處喬彥蓼泉古城詩此處西涼起戰塵七千勁卒頓成燐冠軍祠內都奇節不及旌忠狄道幸

秋九月夏人進據安定

初勃勃既剽陰密進兵侵雍安定人胡儼華籍等率眾距姚恢恢單騎歸長安立節彌姐咸建武裝歧為儼所殺及征虜伊昭

鎮軍姚洽等步騎五萬討勃勃勃勃退保安定胡儼閉門距之至是勃勃進據安定聞劉裕伐秦曰裕取關中必矣然不能久留必將南歸若留子弟守關中待裕發軔吾取之如拾芥耳乃秣馬養士枕戈以待八月裕至潼關遣王鎮惡帥水師自河入渭大破秦兵遂入長安秦主泓出降姚氏遂亡至是勃勃進據安定嶺北郡縣皆降之裕遣使遺勃勃書約為兄弟勃勃命皇弟徽為文而陰誦之召裕使者前口授舍人為書封以答裕裕覽其文而奇之使者又言勃勃容儀瓌偉英武絕人裕歎曰吾所不如也

案晉書載記後秦姚萇略陽臨渭氏人姚弋仲子臨渭今秦安縣蓋為苻堅之臣後弒堅取長安稱帝薨死子興立興死子泓立為晉劉裕所滅自姚萇白雀元年歲在甲申至是歲在丙辰三十有三歲

冬十月晉以西涼公李歆為鎮西大將軍

歆遣使來告襲位故有是命仍封酒泉公

十二月夏王勃勃遣兵向長安

北涼王蒙遜聞劉裕滅秦怒甚門下校郎劉祥入言事蒙遜曰汝聞裕入關敢研研然也斬之

案晉書載記夏王勃勃聞劉裕東還大喜召軍師中郎將王買德問計買德曰關中形勝之地而裕以幼子守之狼狽而歸正欲急成集事不暇復以中原為意此天以關中賜我不可失也青泥上洛南北之險宜先遣游軍斷之東塞潼關絕其水陸之路然後傳檄三輔施以恩德則義真在網罟之中不足取也勃勃乃使其子瓚帥騎二萬向長安別將屯青泥及潼關而自將大軍為後繼

案青泥城名在陝西西安府藍田縣又曰曉柳城元和志曉柳城俗亦謂之青泥城上洛漢縣名晉為郡今陝西商州是太平寰宇記潼關因水得名左傳使大夫詹瑕處瑕以守

桃林之塞即此

戊十四年

北魏泰常三年北涼玄始七年西秦永康七年北燕太平八年夏赫連勃勃昌武元年西涼嘉興二年

夏王勃勃稱皇帝

先是劉裕

北魏元帝子名
位十五年改元
三曰永興曰神
四曰泰常

東還留其子義貞守關中義貞賜與無節殺其長史王修關中大亂夏王勃勃乃陷長安義貞逃歸裕聞青泥之敗怒甚刻日北伐會得參軍段宏啓知義貞得免但登城北望慨然流涕而已勃勃至是稱皇帝

慕容皝曰漠北河西本數郡地耳遭亂分裂僭號稱王先勃勃而起者張氏呂氏段氏秃髮氏乞伏氏沮渠氏割據一方自立基本其地形險峻刑政修明皆端習戰射勦謀農桑以供資備平時閉關固守伺隙而動鄰國強則避之弱則乘之所圖謀大致相同從未有稱帝以自尊者而勃勃則竟後來居上矣夫虛名無實將安用徒為世之質的耳

案宋武帝姓劉氏名裕勛平禍亂司馬德宗之曹操也庚申劉裕受晉禪與司馬氏受魏禪知出一轍在位三年改元一曰永初以永初三年五月殂子義符立是為營陵王又稱帝為少

吐谷渾樹洛干死弟阿柴立

阿柴自稱驃騎將軍沙州刺史善用兵兼并羌氏為強國後遣使詣宋朝貢宋少帝拜阿柴為洮河郡公

按水經注宋少帝景平中拜吐谷渾阿柴為安西將軍洮河公又云洮河故城北有二城東西犄角太平御覽洮河西南一百一十七里有黃沙沙南北一百二十里東西七十里西極大楊川望黃沙猶若人委乾蒲於地都不生草木蕩然黃沙周面數百里沙州於是取號焉拓地志洮河郡東晉時呂光所置實寧記洮河城亦謂之故廓州其遺址在今西

甯貴德縣東南

秋九月北涼伐西涼公歆芟其禾稼而還

蒙遜復引兵伐涼西涼公歆將拒之左長史諫止之蒙遜取其秋稼而還

冬十二月晉以北涼王蒙遜為涼州刺史

蒙遜稱藩故有是命

案史安帝名昌明簡文子幼而不慧口不能言至於寒暑饑飽亦不能辨飲食寢興皆非已出母帝琅邪王德文常侍左右為之節適而在位二十四年改元三日隆安曰元興曰

義熙義熙十四年冬十二月宋公劉裕弑帝於東堂奉其弟琅邪王德文即位是為恭帝

恭帝已未元熙元年北魏泰常四年北涼玄始八年西秦永康八年夏主勃勃還統萬

臣請都長安夏主勃勃曰朕豈不知長安帝都沃饒險固然統萬距魏境裁百餘里朕在長安統萬必危若在統萬則魏必不敢濟河而西諸卿適未見及此耳乃置南臺於長安以赫連瓚錄尙書事而還勃勃性凶暴好殺無順守之規常居城上置弓劍於側有所嫌忿便手自殺之羣臣忤視者戮其目笑者決其唇諫者謂之誹謗先截其舌而後斬之夷夏

震然人無生賴

案夏州在黑水之陽本非甘肅疆域上文已言之矣民國十四年甯夏府鎮道聘湘南王之臣修府志古蹟則列察罕羅城黑水故城得捕兒湖城沿革則載赫連勃勃所築之統萬城此其誤非自今日始明一統志誤以今之甯夏為古之夏州乾隆通志甯夏府志平羅縣志亥豕相沿以訛傳訛王之臣本道署幕賓驟膺重任翻閱舊志依樣葫蘆又以漢

之靈洲高平方渠廉縣為北地郡北境其地皆在甯夏遂以梁祚等列諸人物則更與甯夏無涉

夏四月西涼地震星隕

西涼公歆用刑過嚴好治宮室陰陽失序風雨乖和從事中郎張顯上疏切諫其略云沮渠蒙遜胡夷之傑內修政事外禮英

賢攻戰之際身先士卒百性懷之策為之用臣謂殿下非但不能平殄蒙遜亦懼蒙遜方為社稷之憂也主簿汜騰亦諫曰屬者謙德堂陷及穀地裂昏霧四塞日赤無光狐上南門地頻五震星隕建康皆變異之大者也昔年西平地裂狐人殿前而秦師奄至姑臧門崩隕石於堂而梁熙見殺及段業稱制三年之中地震五十餘所而先王龍興蒙遜纂弒此皆目前之成事殿下所知願亟罷宮室之役止遊畋之娛禮賢愛民以應天變歆皆不從

慕壽謀曰涼土三分勢不支久兼併之本在於修德德之不修下災異以戒告之天之子愛人主殷勤至矣又有張顯汜騰極言其失歆果恐懼修省安見人事之不可挽天災耶言者諄諄而聽者藐藐又欲乘虛襲張掖宋繇張體順切諫又不聽卒為蒙遜所殺而亡國國亡者非無賢人不能用也

庚二年

宋高祖武帝劉裕永初二年魏太宗明元帝拓拔嗣泰常五年西秦文昭王乞伏熾

沮渠蒙遜玄始九年西涼公李恂
永建元年是歲晉亡宋代凡七國
秋七月北涼王蒙遜誘西涼公歆與戰殺之遂

滅西涼

北涼王蒙遜欲伐西涼先引兵西至白岩攻秦浩廩既至潛師還屯川巖西涼公歆欲乘虛襲張掖宋繇張體順切諫不聽太后尹氏謂曰汝新造之國地狹

民稀自守猶懼不足何暇伐人蒙遜非汝之敵豈得輕舉僥冀非望以吾觀之非但喪師始將亡國歎亦不聽遂將步騎二萬東出蒙遜聞之曰歎已入吾衝中矣乃引兵邀擊歎歎大敗或勸歎還保酒泉歎曰吾違老母之言以取敗不殺此胡何面目復見我母遂勒兵復戰敗退走懷城蒙遜追歎至臨澤斬之西涼遂亡蒙遜入酒泉禁侵掠士民安堵

案北涼錄是年北涼太史令張衍言於蒙遜曰今歲臨澤城西當有破兵殺將蒙遜乃遣其世子政德屯兵若厚塢自引兵西至白崖以太歲在申月又在申未可西行乃南代浩

輿而蛇盤於帳前蒙遜曰前一為騰蛇今在吾帳前欲吾回師先定酒泉也師還聞李歎徵兵欲攻張掖大悅歎兵次都濟澗蒙潛軍逆敗歎於懷城追至臨澤斬之並殺其兄

第二人歎弟

又案地理志浩音告門漢縣以浩音水得名屬金城郡故城在今西甯府碾伯縣餘見東漢建武十一年冬十月注川巖地名在今甘肅張掖縣西南酒泉郡名漢置即今肅州

注見漢武帝元鼎二年懷城縣名晉置在今甘肅張掖縣北後魏廢一作壞城即今平川

城臨澤亦縣名漢置屬張掖郡舊名昭武晉避景帝諱改為臨澤縣後魏廢遺址尙存在

故撫彝縣東北四十里及板橋東南

慕壽祺曰處大無患者常多慢處小有憂者常思善多慢則生亂思善則生治此理之常也沮渠蒙遜神機秀發信一代之偉人由余金日碑豈足爲多也假令爲鄰國者時存憂患之心不急征張掖雖百蒙遜亦何從而圖其隙李歎不忍償債之心而欲僥倖於一戰豈自我開不亡何待處小忘憂者其鑒之哉

秋九月秦襲北涼俘其人而還

秦遣振武將軍王基等襲北涼王蒙遜胡國俘二千餘人而還明年北涼王蒙遜遣沮渠鄒善沮渠苟生帥眾

七千伐秦秦王熾營遺木奔于等帥步騎五千拒之敗鄒善於五澗虜苟生斬首二千餘級而還

冬十月宋以北涼王蒙遜為鎮西大將軍開府儀同三司涼州刺史

宋祖劉裕初受晉禪

務憐邊遠故有是命而東晉遂亡

案史恭帝名德文安帝弟劉裕所立即位一年改元一曰元熙元熙二年夏四月長星出竟天六月劉裕還建康稱皇帝廢恭帝為零陵王以兵守之永初二年秋九月裕弑零陵

王於秣陵而南北朝從此分矣

慕容祺曰晉自牝鷄司農化龍應讖洪流鼓於八際亂華始於五胡江統伏關上書劉琨過江擊楫抱茲偉略托諸空言燎原之勢已成不聿之書難罄姚萇連際苻亡俗因秦悍據關中之腴壞視江表若贅疣子興生有殊姿苟成先構方其削平禍難驅英豪史稱其俗阜年豐遠安邇輯雖楚莊秦穆何以加焉誠哉是言也既而專已生災馭成無策委涼都於禿髮授朔方於赫連聽乾歸自還苑川爵蒙遜使據張掖譬知招虎入柙縱出圍檻甯無噬人之虞饑饉依人一聞風飄便有凌霄之志養成羽翼雙起蕭牆河山殘破而誰收戎馬馳驅而不息諸國復蕃謀吞併乘雲侵漁種塗炭於生民弄干戈為兒戲迄無甯歲聘彼雄圖父戰於前子死於後弱女歎於室孤兒號於途老母寡妻空招魂而設祭

謀臣說士猶借箸以獻籌
致令全隴騷然良可悲矣

涼李恂入敦煌稱刺史

恂高之第六子也前在敦煌有惠政及歿被殺西涼亡恂奔北
山蒙遜所署敦煌刺史索元緒震險好殺大失人和郡人宋承

張弘密信招恂率數十騎入敦煌元緒東奔涼興承等推恂為刺史蒙遜遣世子德政攻
之不克蒙遜乃自帥眾以水灌其城城陷恂自殺蒙遜遂屠敦煌歿有子曰重耳奔於江

左後歸魏是
為唐之祖

南北朝

自司馬氏亡於是中國南部盡歸
宋北部盡歸後魏是為南北朝

(王成)

宋永初三年魏泰常七年是歲後分注紀年南朝以來
齊梁陳北朝以魏齊周餘國非建國嗣位改元不備列

春正月西秦王熾磐遣將

攻上郡

二月北涼王蒙遜屠敦煌殺李恂

於是西域諸國皆詣北涼稱臣朝貢
涼州以西為沮渠氏一人所有矣

案西涼錄李氏世為西州著姓前涼武衛將軍天水郡太守李弇西涼公高之祖也高父
和年十六卒高和之遺腹子晉隆安四年衆推為敦煌太守自稱西涼公改元建初高卒
子歆立改元嘉興為北涼所滅歆弟恂後入敦煌謀光復舊業
改元永建自高元年歲在庚子至為蒙遜所滅凡二十一年

張維曰自永嘉之亂而張氏雄據姑臧是時涼州殷實百姓安樂屬中夏雲
擾張氏之政足以庇其民歷七十六年而亡於苻堅涼亡十年而堅敗呂光
始與梁熙相攻後一年呂光自立又後十年禿髮沮渠皆建國又復三年李
暠興於酒泉更相攻伐乃無甯歲二十年皆併於蒙遜民用少息焉以區區
數郡而紛紜若此終乃得少息於異族甚矣生民之不幸也余觀蒙遜諸人
事甚惡其以夷狄陵中國及觀於諸夏而昏虐侵擾殆有甚焉則又爽然自
失嗚呼此可爲痛哭者矣

秋七月北涼遣兵嶺南遂屯五潤

北涼王蒙遜遣沮渠成都帥衆一萬耀兵嶺南遂屯五潤秦王熾磐遣出連虔等帥騎六千與沮渠成都

之戰擒

(癸亥)宋主義苻景平元年

魏明元年秦常八年

春二月涼沮渠蒙遜吐谷渾阿柴並遣使朝貢於宋

蒙遜

並獻書一百五十四卷內有侯瑾皇德頌周生烈子等書皆敦煌人所著

案後漢書文苑傳及太平御覽諸書所載侯瑾字子瑜敦煌人少孤貧依宗人居性篤學恆傭作爲資暮還輒焚柴讀書後爲博士纂記漢中興以後自光武起至冲帝行事爲皇

德頌二

十篇

慕壽曰敦煌在漢唐盛時一部會也宜其瓊寶駿質遠躡星羅汗蘭垂名作程遐世而史通外篇曰敦煌僻處西域求諸人物自古闕載何所見之少也自北涼獻書則磊落英才繁然盈囑可知夜光之璧不經拂拭與瓦石無殊尤異之賢不爲表章亦隨草木同腐矣

三月宋以沮渠蒙遜爲大將軍封河西王吐谷渾阿柴爲安西將軍沙州刺史

封澆河公

案沙州卽今敦煌縣境魏書阿柴立號沙州刺史部內有黃沙周回數百里不生草木因號沙州宋新亭侯段國所纂沙州記卽唐志之吐谷渾記也原二卷今逸闕甚多武威張

潮就所見錄之又鈔太平寰宇記吐谷渾始末以補其闕

又案澆河故城在今青海貴德縣東界龔景瀚循化志謂澆河郡以水名今雖無此名稱考水道提綱貴德境內有三水一曰枯枯塞河一曰火涿藍河一曰烏藍布拉克河而烏

鹽布拉克河為大疑即隋志所謂濫水水經注所謂濟川水寰宇記所謂米川水蓋即澆水也陸書地理志大業初置澆河郡有濫水濫水當即水經注之濟川水以其出於濫

故亦謂之濫水然則濟川水之為澆水益信矣

夏四月涼攻晉昌克之

先是永初二年冬十一月涼晉昌守唐契至是攻克之契及甥李寶奔伊吾招集遺民歸附者二千餘家臣於柔然寶故敦煌

刺史李恂
兄子位

秦遣使入貢於魏

秦王熾磐謂羣臣曰今宋雖奄有江南夏人雖據關中皆不足與也獨魏主奕世英武賢能為用吾將舉國而事之乃遣使入見於魏貢

黃金一百斤并
陳伐夏方略

秋七月柔然攻北涼敗之

柔然匈奴別種也魏太武帝改為蠕蠕至是攻北涼殺其世子政德而去

寒魏書柔然北狄國名魏明元帝末掠騎得一奴髮始齊眉其主字之曰木骨閭蓋木骨閭房語首秃也木骨閭與郁久閭音相近因為氏至其子車鹿會雄健始有部衆自號

柔然魏太武帝以其無知狀類動蟲故改其號曰蠕蠕

又案史少帝名義符在位一年改元一曰景平以居喪無禮游戲無度於景平二年五月宋徐羨之傅亮謝晦廢其主義符為魯陽王遷於吳六月弑之迎宜都王義隆於江陵立

後魏世名
明元子任位二
十八年改元六
曰始光曰神
曰延和曰大延
曰太平真君曰
延平

之是為太
祖文帝

(甲)宋景平二年太祖文帝義隆元嘉秋七月秦攻北涼破之

秦主熾營遣太子慕末將軍木突干等帥步騎

二萬出招渠谷攻河西白草嶺臨松郡皆破之徙民二萬餘口而還

冬十一月吐谷渾王阿柴卒弟慕瓚立

先皇阿柴自稱驃騎將軍聞譙縱亂蜀阿柴遣其從子西疆公吐谷渾救來泥拓土至龍

湘平康少帝景平中阿豺遣使上表獻方物詔曰吐谷渾阿豺介在遐表慕義可嘉宜有寵任令酬其來款可督塞表諸軍事安西將軍沙州刺史洮河公未及拜受太祖元嘉三年又詔加除命未至而阿柴疾病召諸子弟謂之曰先公車騎舍其子拾虔而授孤孤敢私於子緯代而忘先君之志乎我死汝曹當奉慕瓚為主阿豺又命諸子各獻一箭取一箭授其弟慕利延使折之慕利延折之又取十九箭使折之不能折阿柴乃諭之曰汝曹知之乎孤則易折衆則難摧汝曹當戮力一心然後可以保國甯家言終而卒慕壽祺曰吐谷渾王阿柴病革之際舍子而立弟可不謂之賢乎故緯代阿柴長子也慕瓚阿柴母弟也其叔父烏紇提之子也人未有不愛其子者阿柴舉一國傳於其弟緯代亦能成父之志中原禮義邦如此者且不多得况戎狄乎

魏攻長安夏主之弟助興奔安定

魏攻弘農夏太守不戰而退魏師遂入三輔奚斤克蒲坂夏主之弟助興自長安奔安定

案河南通志宏農郡名漢置即今靈寶縣敦煌張芝由華州遷居弘農即此陝西通志三輔者京兆左扶風右馮翊也山西通志蒲坂即今蒲州府縣所都也劉裕伐秦秦主遣姚襄救蒲坂晉將沈林子說檀道濟曰今蒲坂地堅池濬非可卒剋攻之傷衆守之引日不如棄之先事潼關元熙元年夏人陷蒲坂宋元嘉三年魏主自將伐夏遣司空奚斤襲蒲坂戎馬紛紜爲用兵者往還之大道矣

慕壽祺曰勃勃天資虓勇運偶時艱習以華風推爲人傑一旦乘機豹變未有與之爭衡者矣劉裕滅後秦匆匆還建康勃勃聽其王買德之計兵不血刃而得長安何取之易於拾芥也然禮者德之與敬者身之基仁者善之長勃勃以亂攻亂未有德政濟蒼生使弱小之弟守關中亦匆匆還統萬而又驕盈日盛遇臣僚無禮不敬待人民殘酷不仁是自亡之道也欲久據關中得乎

十二月宕昌朝貢於魏

宕昌羌西羌別種三苗之裔羌地東接中國西通西域長數千里各有酋帥部落分地不相統屬而宕昌最盛有民二萬餘落

諸種畏之至是其王梁彌忽遣子入見於魏

案一統志云宕昌古西羌地名秦臨洮縣地屬隴西郡漢晉因之元魏屬岷州後爲宕州宕昌郡唐天寶初更名懷道郡後陷於吐蕃宋熙寧初收復置宕昌堡

夏世子瓚殺其弟倫倫兄昌討瓚殺之

夏主將廢太子瓚而立少子倫瓚將兵伐倫倫拒之敗死倫兄昌襲瓚殺之并其衆歸於

統萬夏主大悅
立昌為太子

慕壽祺曰勃勃之不得保其子也宜哉當晉之末宋之初人道澆絕久矣無復相憐相愛之情臣自愛不愛君弟自愛不愛兄諸侯各愛國不愛異國大夫各愛家不愛異家是以篡弒頻仍梟獍成性習慣若自然矣瓊勃勃索所鍾愛而立為世子者也世子國之儲貳不愛其弟則已耳又從而殺之所謂骨肉相殘者蓋見其父叛秦主襲殺突沒干坑秦州將士五千餘人兄弟之親視同陌路殺機一啓報復相尋殆蒼蒼者主持於中耶

(乙)宋元嘉二年魏始光二年夏六月武都王楊盛卒子玄是為仇池楊是第十世立武都王楊盛雖僻處

仇池而奉晉正朔安帝隆安二年二月稱藩獻命宋初有天下務懷遠方永初元年七月戊戌以征西大將軍開府儀同三司楊盛進號車騎大將軍三年十一月以前將軍楊玄

為守西將軍北秦州刺史封盛為武都王而其心未嘗忘晉不改舊年號至是疾甚謂世子玄曰吾老矣當終為晉臣汝善事宋帝及卒自稱武都王遣使告喪於宋始用元嘉

年號宋以玄為武都王封爵也襲也

案史初有司馬飛龍者自稱晉之宗室晉末走仇池元嘉九年聞道濟綏撫失和遂自仇池入綿竹扇動羣小得千餘人破巴興縣殺令王貞之進攻陰平陰平太守沈法興焚

遁走道濟遣軍擊飛龍斬之

秋八月夏主勃勃卒子昌立

勃勃卒於永安殿世子赫連昌立昌一名折勃勃之第三子也

史臣曰勃勃器識高爽風骨魁奇姚與親之而醉心宋祖明之而動色豈陰

山之韞異氣不然何以致斯乎雖雄略過人而兇殘未革飾匪詎諫酷害朝

臣部內囂然忠良卷舌滅亡之禍宜哉厥身猶及其嗣非不幸也

秦襲北涼擒其將沮渠白號

西秦王熾磐遣吐盧健等襲北涼鎮南將軍沮渠白號於臨松擒之徙五千餘戶於枹罕

(丙)宋元嘉三年秋八月夏襲秦苑川秦師還

夏赫連昌遣呼盧古將騎二萬攻秦苑川十月秦丞相曇達與呼盧古戰於懷

岷山
敗績

案元和郡縣志岷山在皋蘭縣所屬東南一百四十里重修皋蘭縣志謂岷山一名可狼山俗名熱薄汗山似在皋蘭縣與金縣錯壤處

冬十月魏主自將攻夏

魏主問公卿今當用兵赫連蠕蠕二國何先太常崔浩曰蠕蠕鳥集獸逃舉大眾追之則不能及輕兵追之又不足以制敵

連氏土地不過千里政刑殘虐人神所棄宜先伐之魏主亦聞夏世祖死諸子相圍國人不安欲伐之於是遣奚斤襲蒲坂周幾襲陝城以薛謹為鄉道明年正月魏主還平城

武徙民道多死能至平城者纔什六七夏平原公定帥
衆向長安魏主聞之伐木陰山大造攻具再謀伐夏

(丁卯) 宋元嘉四年夏六月夏主昌及魏主戰於統萬昌敗走上邦魏取統萬魏主
魏始光四年

斤與夏平原公赫連定相持於長安欲乘虛伐統萬是年五月魏主發平城至是至統萬
分軍伏於深谷以少衆至城下夏將狄子玉降言夏主聞有魏師召平原公定定曰統萬
堅峻未易攻拔待我擒奚斤然後徐往內外擊之魏不濟矣故夏主堅守以待之魏主患
之乃退軍以示弱遺娥清及永昌王健西掠民居魏軍士有亡奔夏者言魏軍糧盡輜重
在後步兵未至宜急擊之夏主從之將步騎三萬出城長孫翰等皆言夏兵步陳難陷宜
避其鋒魏主曰遠來求賊唯恐不出今既出矣乃避而不擊彼營我弱非計也遂收衆僞
遁引而避之夏兵爲兩翼鼓譟追之行五六里會有風雨從東南來揚沙晦冥魏主分騎
爲左右隊以掩之魏主馬蹶而墜幾爲夏兵所獲拓拔齊以身捍蔽魏主騰馬得上身中
流矢奮擊不輟夏衆大潰魏主乘勝逐夏主至城北夏主遂奔上邦魏主數服逐奔者入
其城夏人覺之請門悉閉魏主與齊等入其宮中得諸繫之梨上乘之而上僅乃得免明
日入城獲夏王公卿校及婦女以萬數馬三十餘萬匹牛羊數千萬頭府庫珍寶車旗器
物不可勝計頒賜將士有差秋八月魏主還平城留奚斤擊赫連昌給兵萬人馬三千匹
並留娥清邱堆使其擊夏以常山
王素爲征南大將軍假節鎮統萬

魏孝武雄材大
略使生中國亦
秦皇漢武之流
亞也既平夏復
滅涼大圖北主
的魏完委達到日

清水乃上邦鎮
奔後魏之上邦

案晉義熙十二年赫連勃勃攻秦上邦克之元經書曰勃勃取秦州蓋嘗考之地理志秦
武公伐邦戎有上邦有下邦上邦隸秦州下邦隸隨晉後魏上邦縣有東西二城皆在秦

南北朝魏政事俱發時代 宋文帝

蘭州俊華印書館出版

縣志古者不
可不知
下都注今西
渭南秦武公徙
平戎於此

州若渭水志所謂上邽縣城者與藉水渭水皆迥不相及乃唐中葉之上邽鎮耳蓋上邽既陷後僑立此鎮以處遺民而說者謬謂大中收復秦州改縣為鎮夫既收復則有縣矣何為復立鎮乎凡渭水志之攙雜上邽事者皆緣此致誤

秋八月夏安定降魏

先是夏六月夏主昌與魏戰敗昌將麾下數百騎西南走奔上邽昌弟平原公定在長安聞統萬破魏城清復秦驍五千討之亦西

走上邽欲鳩合餘燼以圖恢復安定空虛乃降魏

冬十一月魏封楊玄為南秦王

魏遣公孫軌奉策拜楊玄為南秦王及境玄不出迎軌讓之欲奉以還玄懼乃出郊迎

案一統志漢武郡郡領下辨嘉陵上祿等縣後魏於下辨置仇池郡梁改為南秦州西魏改為成州即今成縣晉太元中仇池楊定奔還隴右求割天水之西隰武都之上祿為仇池郡兼置北秦州亦為成縣地後魏宣武帝正始初改為南秦州一統志謂南秦州始於梁其說未的陝西杏城鎮魏又置東秦州攷魏書昭帝初自杏城一百八十里迄長城原夾道立碣與晉分界元和志杏城在陝西中部縣西南後改為北華州即興隄陽府連界之郿州也

(戊辰) 宋元嘉五年魏神龜元年西秦王乞伏暮末永弘元年北涼乘玄元年夏主赫連定勝光元年

春二月魏人及夏戰於上邽執

其主昌以歸夏赫連定稱帝於平涼魏人追之敗績夏復取長安

魏將軍尉眷攻上邽

夏主退屯平涼奚斤進軍安定與邱堆熾濟合軍魏將吐伐斤以騎三萬討安定設伏於隴山彈箏谷破之斬吐伐斤盡坑其衆斤復以馬疲糧少深壘自固遣堆行督粗士卒暴掠不設敵備夏主襲之堆敗還城夏主乘勝日夜抄掠不得芻牧諸將患之監軍侍御史安頡出應之夏主自出搏戰軍士爭赴之夏主敗走頡追擒之夏平原王定收其餘衆奔還平涼卽位昌至平城魏主以妹妻之賜傅會稽公頡賜爵西平公眷進爵漁陽公奚斤以昌爲偏裨所擒深耻之乃捨輜重齎三日餒追夏主於平涼賊清欲循水而往斤不從自北道邀其走路夏軍將通會魏小將有罪亡歸夏告以魏軍食少無水夏主乃分兵夾擊之魏兵大潰斤清皆爲所擒士卒死者六七千人邱堆棄輜重奔長安與高涼王禮偕奔蒲坂夏人復取長安魏主大怒命安頡斬邱堆代將其衆鎮蒲坂以拒之

案固原州志彈箏峽在州東南涇水南流經都盧山中風吹流水常如彈箏之聲因謂之彈箏峽峽中有金裝佛亦名金佛峽後魏宇文泰在夏州聞賈拔岳爲羨莫陳悅所害馳赴平涼令杜朔周先據此峽唐武德三年突厥入犯詔李襲屯華亭於此峽以備之建中三年鳳翔隴右節度與吐蕃盟以涇州西至彈箏峽爲唐界

夏五月秦王乞伏熾警卒世子慕末立六月河西王蒙遜伐秦

初熾警疾病謂慕末曰吾死之後汝

能保境則寧矣沮渠成都蒙遜所重汝宜歸之至是河西王蒙遜因秦襲伐秦西平尋釋西平攻樂都相國元基救樂都甫入城河西兵至攻外城克之絕其水道城中饑渴死者大半東羌乞提從元基守樂都陰納河西兵登城者百餘人元基率左右奮擊乃退慕末遣使詣蒙遜許歸沮渠成都以請和蒙遜引兵還遣使入秦弔祭慕末厚資遣將軍王伐

送成都歸蒙遜稱疑之使沮渠奇珍伏兵捫天嶺執伐並騎七三百人以歸

冬十二月河西王蒙遜伐秦西平拔之

蒙遜伐秦至警夷相國元基等將騎五千拒之蒙遜還攻西平秦使出連輔政等將騎二

千救之未至蒙遜拔西平執太守鞠承

(己)宋文皇帝元嘉六年

夏五月武都王楊玄卒弟難當

是為仇池楊氏第十一世

遜保宗而

自立

玄字黃眉嗣位後善待士為流舊所懷宋文帝以為征西將軍秦州刺史至是卒私諡孝昭王明年六月宋以冠軍楊難當為北秦州刺史北秦州見前元嘉四年冬十一月

注

秦殺其尙書辛進

進嘗從文昭王遊凌霄觀彈飛鳥餽中秦王慕末之母傷其面至是慕末殺進并其五族二十七人

河西王蒙遜伐秦秦還定連

蒙遜伐秦秦王慕末留相國元基守枹罕還定連自守南安太守翟承伯等據罕并谷以應河西慕末擊破之進至

治城西安太守莫者幼眷據源川以叛慕末討之為幼眷所敗還於定連蒙遜至枹罕遣世子與國造攻定連六月慕末逆與國於治城擒之追蒙遜至譚郊吐谷渾王慕璿遣

沒利延將騎五千會蒙遜伐秦慕末遣大將軍段暉等邀擊大破之秋河西王蒙遜遣使送穀三十萬斛以贖世子與國於秦秦王慕末不許

涼及吐谷渾侵秦秦敗之獲涼世子興國

冬十月夏主赫連定敗於陰磐登哥藍山

先是魏人進軍安定及夏人戰於上邦執其主昌以歸昌弟平原王赫連定奔還平

涼即位改元勝光至是敗於陰磐登平涼可蓋山有羆狐繞之而鳴射之竟不得一定乃歎曰咄咄此亦怪事也

案班固云都盧山在烏氏縣元利志可蓋山一名都盧山太平御覽可蓋山與笄頭山連一曰涇水發源處赫連定登此山望統萬城泣曰先帝若以朕承大業豈有今日乎武威

張澍謂可蓋山在平涼縣西接百泉界百泉者今之化平縣也

(庚)宋元嘉七年春正月宋以吐谷渾王慕瓚為征西將軍沙州刺史隴西公

三月魏勅勒是為回族入華之始叛擊滅之魏有新徙勅勒千餘家苦寒吏侵漁出怨言期以草牛亡歸漢北劉絮安原請徙之河西魏主曰此曹習

俗放散日久如厠中之鹿急則奔突緩之自定吾區處自有道不煩徙也絮等固請乃聽之勅勒皆驚曰圖我於河西欲殺我也遂叛走絮追討之皆餓而死

案魏書勅勒號高車部其後分散曰薛延陀曰回紇曰都播曰骨利幹曰多覽葛曰同羅曰僕固曰拔野古曰思結曰渾曰斛薛曰奚結曰阿跌曰契苾曰白雲別為十五部總號勅勒又號鐵勒括地志鐵勒在樂勝州北經秦長城北行經沙磧十三日方至其國

慕壽祺曰詐矣哉其魏人乎敕勒其先匈奴部人俗訛爲鐵勒多乘高車元魏時號高車
都其部落十五種皆散處磧北至隋改回紇唐初徙甘涼間始統於中朝而當元魏時小
小部落耳既來之則安之孔子曰言忠信行篤敬雖蠻貊之邦行矣司馬光曰本朝有不
可及者三首曰以至誠待夷狄魏徒敕勒於河西欲圍而殺之是豈至誠待夷狄之道哉
敕勒懼而遠遁後漸強盛置若長唐天寶
中助肅宗討祿山今其子孫遍甘肅矣

夏六月宋以楊難當爲武都王

秦自正月不雨至於九月

去歲西秦地震野草皆反於是
恆賜至九閱月秦之亡兆也

冬十月秦主慕末請迎於魏遂保南安

秦王慕末爲河西所逼遣使請迎於魏魏許
以平涼安定封之慕末乃焚城邑毀寶器帥

衆東如上邽夏主聞慕末將至發兵拒之慕末留保南安魏尙書庫結帥騎五千迎秦王
慕末秦衛將軍吉毗以爲小官內徙慕末從之庫結引還南安諸羌叛秦推焦亮爲主帥
衆攻南安慕末請救於氏王楊難當遣將軍符獻救之與慕末合擊諸羌諸
羌潰亮奔還廣甯慕末進兵攻之以手令與太守焦遺使取亮遺新亮出降

十一月魏主襲平涼夏主與戰敗績

魏主至平涼使將軍古弼等將兵趣安定夏主
自安定北救平涼與弼遇弼僞退以誘之夏主

追之魏主使高車馳擊之夏
兵人敗走鶻觚原魏兵圍之

案地理志魏以上良崇信之地置平涼郡治平高晉史何以屢書平涼蓋東晉時苻秦置平涼郡魏宣武帝熙平二年城涇州所治平涼城後周始置平涼縣志平涼縣西北至原州一百六十里本漢涇陽地周建德初割涇州平涼郡置平涼縣屬長城郡隋屬原州舊嘗考其沿革平涼先屬安定郡後屬涇州又屬原州後唐清泰三年於安國鎮西置平涼縣金始移今治係古耀武鎮地去安國鎮故城三十里

夏主及魏人戰敗走上邽魏取安定

魏軍圍夏主數日斷其水草人馬饑渴夏主引眾下鴉觚原魏軍擊之夏主大潰夏主中虜割

軍騎走上邽魏兵遂取安定魏主還臨平涼掘甄閼之安慰初附教秦雍之民賜復七年

案地理志鴉觚縣名漢置即今靈臺縣魏書地形志趙平郡治鴉觚縣屬城圖記云鴉觚者秦使皇時使太子扶蘇及大將軍蒙恬築長城見此地原高水深因欲築城遂以觚爵奠祭乃有鴉鳥飛昇觚上以為靈異因以名縣石趙建武十年改為平趙郡其故城在靈臺縣東北袁山崧書漢末以鴉觚置新平郡晉仍屬安定郡

十二月魏人克平涼復取長安

先是夏主遣使求和於宋約合兵滅魏遂分河北自恆山以東屬宋以西屬夏魏主聞之遂如統萬謀襲平涼

至是魏克平涼豆伐因得奚斤娥清等以獻關中悉入於魏

(辛)宋元嘉八年魏神䴥四年燕王馮弘太興未)元年北涼義和元年是歲秦夏二國皆亡

春正月夏滅秦以秦王暮末歸殺之

先是魏主以平涼安定許暮末旋爲夏人所拒暮末帥戶萬五千留南安南安故鞏昌府也其屬地皆入於吐谷渾夏赫連定又遣韋伐攻西秦於南安西秦王之伏暮末請降於魏十一月魏將古弼擊夏赫連定定中稍單騎走保上邽至是夏主擊秦將姚獻敗之遂遣其叔父韋伐攻南安城中大饑人相食秦出連補政等奔夏暮末窮蹙與熾出降送於上邽秦太子司直焦楷奔廣寧泣謂其父道曰大人荷國寵靈居藩鎮重任今本朝傾覆豈得不帥見衆倡大義以殄寇讎遺曰今主上已陷賊庭吾非愛死而忘義願以大兵追之是趣絕其命也不如擇王族之賢者奉以爲主而伐之庶有濟也楷乃築壇誓衆二旬之間赴者萬餘人會遣高卒楷不能獨舉事亡奔河西夏主竟殺暮末夷其族

案南安郡後漢置三國魏仍爲隴西南安二郡後魏永安三年於隴西郡置渭州隋初郡廢大業初並廢州復爲隴西郡唐武德初復置渭州天寶初復曰隴西郡寶應後陷於吐蕃大中五年收復五代時爲鞏廩之地宋熙寧五年置通遠軍鳳路崇寧三年升爲鞏州屬熙河路金仍曰鞏州皇統三年改通遠軍屬臨洮路元初置鞏昌路都總帥府屬陝西行省明洪武三年爲鞏昌府屬陝西布政使司清因之今改隴西縣

案西秦錄乞伏國仁初據金城自稱西秦王改元建義國仁卒弟乾歸立徙都枹罕攻秦王苻崇盡有隴西之地改元二曰太初曰更始後遇弒子熾馨立改元二曰永建曰建弘熾馨死子暮末立改元永弘爲夏主赫連定所滅自國仁建義元年歲在乙酉及暮末辛未歲亡國凡四十七年

夏六月夏主赫連定擊平涼吐谷渾襲敗之執定以歸

夏主畏魏人之逼擁秦民十餘萬口自治城渭河欲

擊河西王蒙遜而奪其地吐谷渾慕瓚遣慕利延等率騎二萬乘其半濟擊之執定以歸
八月慕瓚送故夏主定於魏魏人殺之西夏遂亡魏既殺赫連定因進吐谷渾王慕瓚為
西秦王明年三月慕瓚上表曰臣俘擒僭逆獻捷王府而土不增郭東漢既飾而財不周
賞願垂鑒察魏主詔曰西秦王所得金城枹罕隴西之地朕既與之乃是裂土何須復廓
自是慕瓚貢使
至魏者稍簡

案河州志故治城在州西北一百十里前涼張氏置宋元嘉六年西秦南安太守

翟伯承等據罕开谷叛乞伏慕末雖破之進至治城還鑿注其地當在黃河南

又案大夏錄赫連勃勃匈奴劉淵之族據朔方自以為夏后氏之苗裔稱大夏天王後取
長安稱帝在位十三年改元四曰龍升曰鳳翔曰昌武曰真興勃勃卒子昌立改為承光

元年為魏太武帝所擒其弟赫連定復稱帝於平涼
改元勝光魏滅之自勃勃至是凡二十有六載而亡

秋八月涼遺子人侍於魏

先是去年冬北涼王蒙遜遣宗舒入貢於魏魏主與之宴飲
崔浩之手以示舒等曰汝所聞崔公此則是也才略之美於

今無比朕動止咨之預陳成敗
若合符契至是復遣子入侍

魏遣使授涼王蒙遜官爵

魏主欲遣使者詣北涼崔浩請尚書李順乃以順為太常拜
蒙遜為涼王王七郡置將相羣卿百官建天子旌旗出入警

蹕如漢初諸
侯王故事

慕壽祺曰李順如涼之日即沮渠氏亡國之秋也蒙遜控河右二十餘年邊境又安羣下畏服宋初即遣使入貢其心目中知有正統不肯屈膝於虜庭也但其國與魏為鄰縱我不往甯能禁彼之不來乎順之來交鄰修好而殖民政策焉矣從此虛實盡知七郡版圖已拱手而獻於魏豈待數年之外始克涼州耶雖然蒙遜一息尚存則魏兵不敢入境雖不能貽厥孫謀猶足以終其一世順亦蒙遜之知己也哉

附紀北涼沮渠蒙遜時有沙門曇摩懺者博達多識為蒙遜之所信重魏氏遣李順拜蒙遜為涼王仍求曇摩懺蒙遜怯而不與摩懺意欲入魏屢從蒙遜請行蒙遜怒殺之

魏敕秦隴各州郡徵世胄遺逸

魏主詔曰今二寇摧殄將偃武修文理廢職舉逸民范陽盧玄博陵崔綽趙郡李靈河間邢穎渤海高允廣平

游雅太原張偉等皆賢雋之胄冠冕州邦如此比者盡敕州郡以禮發遺遂徵玄等數百人差次叙用崔綽以母老固辭玄等皆拜中書博士其未至者州郡多逼遣之魏主復詔

守宰以禮申喻任其進退

慕壽祺曰魏自西秦西夏相繼滅亡詔所屬州郡徵世胄遺逸治國之本其在斯乎或以魏為戎狄甯蹈道而死不忍恥以生其品節可謂高矣豈知尼山喜佛胙之召以匏瓜自喻伊尹亦稱何事非君何使非民聖賢尚如此况後人乎今則華夏分崩九州輻裂讀聖賢書者當以救民為急必欲伏處巖谷以待聖人俟河之清也人壽幾何

(壬)宋文皇帝元嘉元年春亡命馬大元率黨數百人寇魏秦梁州郡兵討平之
(申)魏太武帝延和元年

夏四月仇池大饑

益梁州豐稔梁州刺史甄法護在任失和氏帥楊難當因此寇漢中乃自徒中起蕭思話督梁南秦二州諸軍事橫野將軍梁南秦二州

刺史既行聞法護已委鎮北奔西城遣司馬建威將軍南漢中太守蕭諱五百人前進又遣西戎長史蕭汪之拒之諱緣路收合士眾得精兵千人明年正月進據礮頭難當焚掠

漢中引衆西還留其輔國將軍梁秦二州刺史趙溫守梁州魏興太守薛健黃金諱進屯礮頭遺陰平太守蕭坦赴黃金薛健副羌寶據織城與黃金相對去一里斫樹塞道坦

進攻二成拔之二月趙溫又率薛健及其甯朔將軍馮翼太守蒲早子來攻坦營坦奮擊大破之坦被創賊退保西水諱司馬錫文祖進據黃金蕭汪之率步騎五百相繼而至平

西將軍臨川王義慶遣龍驤將軍裴方明三千人赴諱等進黃金早子健等退保下桃思話先遣行參軍王靈濟率偏軍出漢川因向南城僞陵江將軍趙英堅守險黨濟擊破之

生擒英南城守盧因資無所復引軍還與諱合二月諱率衆軍進據峨公固難當遣其子相率趙溫滿早子及左衛將軍呂平甯朔將軍司馬飛龍步騎萬餘跨漢津結砦其間立

浮橋悉力攻諱合圍數十重短兵接戰弓矢無復用賊悉衣犀革戈矛所不能加諱乃截稍長數尺以大斧椎之一稍輒貫十餘賊賊不能當因大敗燒砦奔賊退保大桃由是難

當盡失漢中之地仇池已無饑饉之虞

慕壽祺曰糧者民之命也雖有金城湯池無糧不守仇池本無儲積今歲大饑王師突至不知何術以得供援乃取漢中而就食焉事急智生勢使然矣

夏六月仇池楊難當據魏上邽

以其子順爲秦州刺史守上邽

(癸酉)宋元嘉十年魏延和二年北夏四月涼王蒙遜卒子牧健立 先魏李順復奉使至涼還魏主問

以涼事順曰蒙遜其不年矣易世之後何時當滅順曰蒙遜諸子臣略見之皆庸才也聞

敦煌太守牧健器性粗立繼蒙遜者必此人也然比之於父皆云不及此殆天之所以資

聖明也至是蒙遜病其國人以世子菩提幼弱而其兄牧健聰穎好學和雅有度量立以

為世子蒙遜卒牧健即位遣使請命於魏魏主謂李順曰卿言蒙遜死牧健立皆驗朕克

涼州亦不遠矣進號安西將軍龍符彌厚政事無巨細皆與之參議遣順拜牧健河西王

牧健尊敦煌劉昞為國師親拜之命官屬以下皆北面受業元嘉十四年魏主以其妹武

威公主妻牧健

慕壽祺曰當牧健初立時敦煌劉昞為老師大儒學者望之如泰山北斗敦煌人之見於

正史者尚有宋繇字體素少以孝聞博通經史雖兵革間講誦不輟闕嗣字元陰注王弼

易傳撰十三州志沮渠其重之張湛字子然好學能文魏崔浩重之曰湛有大才見稱於

西州索敞字巨振為劉昞助教專心經濟盡傳昞業他如宗欽字景若金城人有儒者風

與魏高允以詩相嘲唱趙柔字元順亦金城人以德行才學知名為北涼王牧健金部郎

以及陰興程駿程弘極一時之盛不圖邊徼如此多才古人云十步之內必有芳草豈不

信然乎哉

(甲戌)宋元嘉十一年春宋梁秦刺史蕭思話討楊難當破之難當退守仇池 去年冬十

一月宋主聞梁秦刺史甄法護刑政不治失其羌之和乃自往中起蕭思話使代之未至楊雅當舉兵襲法護法護委鎮奔西城難當遂有漢中之地至是難當以克漢中告捷於魏蕭思話至襄陽遣司馬蕭承之爲前驅承之緣道收兵進據瑯琊頭揚難當焚掠漢中引衆西還留趙溫守梁州薛健據黃金山思話遣陰平太守蕭坦攻鐵成戍拔之臨川王義慶遣將軍裴方明助承之拔黃金戍溫桑州城思話繼至與承之共擊屢破之漢中平悉收沒地置戍葭萌水

案難當楊玄弟也廢玄子保宗而自立以保宗鎮宕昌次子順守上邽乘梁州刺史甄法護之失政舉兵破白馬下葭萌遂有漢中之地自置梁州刺史宋刺史蕭思話至先驅戰屢捷始乘梁州謝罪保宗坐謀逆收繫尋釋之使鎮葭萌遂奔魏難當自立爲大秦王改元建業又以國多災異復降稱武都王至元嘉十八年難當又謀取漢中乃遣師入蜀克葭萌圍宕

城攻巴西

又案宕昌在岷州南一百五十里葭萌亭距葭昌近葭萌在漢中其西通志漢置西城縣東漢以爲西城魏晉魏改郡曰魏興後周省西城縣隋復置唐宋因之魏曹真由斜谷伐蜀魏主詔司馬懿派漢中西城與真會漢中謂此西城也其地卽今興安府治又隴右之西縣史亦稱爲西城建武八年陝黨將妻子奔西城帝使吳漢岑彭圍西城此西城卽西縣也

涼遣使奉表於宋

(乙)宋元嘉十二年 魏遣楊保宗 是為仇池楊氏第十二世 襲上邽 難當子順失守

(丙)宋元嘉十三年 秋七月魏伐楊難當於上邽降之 先是赫連定西遷難當遂據上邽自稱大秦王改元建義然猶

貢奉宋魏不絕至是上邽失守魏伐之先遣使齎詔諭難當懼遂奉詔

幕壽祺曰斯役也魏遣樂平王丕討之丕恐戰端一開塗炭生民先遣人齎詔往諭楊難當請降不從之已化干戈為玉帛矣而魏之諸將議以為不誅其豪帥後必為亂且大眾

遠出不有所掠無以充軍賞將士丕又從之中書侍郎高允曰如諸將之謀是傷其同化之心大軍既遠為亂必速丕乃止撫慰初附秦隴遂安仁人之言其利溥哉

(丁)宋元嘉十四年 夏五月涼遣子入侍於魏遣使如宋 魏主遣李順徵涼世子封壇入侍涼王牧健奉詔亦

遣使詣建康獻雜書並求書數十種宋主皆與之

(戊)宋元嘉十五年 春二月宋以吐谷渾慕利延為隴西王 先是元嘉九年宋以吐谷渾慕容延為平東將軍

軍拾虔為平北將軍渾伐為鎮東將軍乙未以吐谷渾慕瓚為都督西秦河沙三州諸軍事征西大將軍西秦河二州刺史進爵隴西王且命慕瓚悉歸南方將士先沒於夏者得

百五十餘人至是宋復以利延為隴西王

(已)宋元嘉十六年魏太延五年是歲涼亡凡二國春二月楊保宗奔魏魏以為武都王守上邽

夏六月魏主伐涼秋九月姑臧潰涼王牧健降

北涼王牧健迫於其嫂李氏李氏毒魏公主魏主遣醫乘傳救之得愈魏

主徵李氏牧健不遣使居酒泉初安定胡叟往從牧健牧健不甚重之叟謂程弘曰貴主居僻陋之國而播名僭禮以小事大而心不純意外慕仁義而實無道德其亡可翹足而

待河內常爽世寓涼州不受沮渠氏禮命魏主遣尙書賀多羅使涼州觀虛實還亦言牧健雖外修臣禮內實乖戾魏主欲討之以問崔浩浩曰牧健逆心已露不可不誅魏主從

之六月發平城使穆壽輔太子晃監國又使大將軍嵇敬將二萬人屯漠南以備柔然命公卿為書讓牧健數其十二罪且曰若親率臣委養遠迎謁拜馬首上策也大軍既臨

面縛與櫬其次也若守迷窮城不時悛悟身死族滅為世大戮宜思厥中自求多福七月至上邽賜國城部分諸軍以源質為鄉導魏主問以方略對曰姑臧城旁有四部鮮卑皆

中祖父舊民願聽軍前官國威信示以禍福必相帥歸命外援既服取其孤城如反掌耳魏主曰善八月牧健求救於柔然道其弟質來將兵萬餘人出戰望風奔潰魏主至姑臧

遣使喻牧健出降牧健聞柔然欲入邊塞幸魏主東還遂嬰城固守魏主分軍圍之源質引兵招慰諸部下三萬餘落故魏主得專攻姑臧無復外慮魏主見姑臧水草豐饒由

是恨李順謂崔浩曰卿言驗矣九月姑臧城潰牧健帥其文武五千入面縛出降魏主釋而禮之收其城內戶口二十餘萬十月魏主東還留樂平王丕及將軍賀多羅鎮涼州徙

沮渠牧健宗族及吏民三萬戶於平城而魏主猶以妹婿沮渠牧健拜征西大將軍河西王如故涼州自張氏以來號為多士牧健尤喜文學其臣關關張浩劉昞索敞陰與宗欽

南北朝魏政學俱發時代 宋文帝

蘭州俊華印書館出版

趙柔程駿程弘魏主皆禮而用之以索敵爲中書博士時魏方尙武功貴遊子弟不以講學爲意敵爲博士十餘年勤於誘導肅而有禮貴遊嚴憚多所成立常爽亦置館於溫水之右教授七百餘人立賞罰之科弟子事之如嚴君由是魏之儒風始振魏主以胡叟有先識拜虎威將軍用常爽爲宣威將軍魏尙書李順使涼州凡十二返受蒙遜金錢欲保庇沮渠氏伐涼之役順以天梯山面欺誤國後賜死

案史天梯山在武威縣西十里山路崎嶇如梯故名晉大興三年京兆人劉弘挾左道客居天梯第五山魏主欲伐涼李順與古弼皆曰姑藏地皆姑石絕無水草城南天梯山上積雪丈餘春草消釋下流成川居民仰以灌溉彼聞軍至決此渠口水必乏絕人馬饑渴難以久留皆謂此地也

案北涼錄沮渠蒙遜甘州臨松郡盧水胡人初爲段業臣爲張掖刺史後弒業稱王都張掖旋遷於姑臧在位三十餘年改元三曰永安曰正始曰義和劉宋元嘉十年夏蒙遜卒子牧健立改爲永和元年爲魏所滅十六國春秋牧健作茂虔自蒙遜永安元年在辛丑至牧健庚寅歲亡國共三十九年

又案十六國春秋臨松至蒙遜而大顯先是前涼王張天錫始置臨松城後涼呂光於臨松立中護軍鎮至蒙遜稱北涼以孔篤爲臨松郡太守以并祥爲臨松令以禿髮契尼爲臨松丞後周史甯祖祖豫仕沮渠氏爲臨松令

慕壽祺曰滅國新法須非其宗教文字而僅殘淨盡庶死灰不至復然魏平涼州涼王所用劉昶等若干人皆沮渠蒙遜數十年所培植所搜羅者一網打盡久之遷徙內地於是

鄉里之組織必首蒙其破壞西北政治社會制度所由廢也雖然徙者其身不變者其心譬如植樹往往易地而新萌滋焉此又與東南文化之開息息相關者也魏劉邵撰人物志敦煌劉昫爲之注其書遂行於世闕駮十三州志甚爲顏師古所稱師古注漢書多引用之宗欽爲崔浩高允所重欽以詩贈允允答書推許甚至其他散見於各書者不可勝錄今已千數百年矣其子孫不知流落何方究之中國人民果爲一切政治社會制度所附屬又爲一代文化升降所從顯私家譜牒必有可攷者在吳汝綸深州風土記創人譜一例其意深哉

魏得西涼樂以歸

自苻氏之末呂光沮渠蒙遜等據有涼州時變龜茲樂爲之號之曰秦漢伎大武帝平河西得之謂之西涼樂

案魏周之際謂西涼樂爲國伎其曲項琵琶暨篳篥之徒並出自西域非華夏之舊器楊

北涼張掖太守沮渠宜得奔酒泉魏鎮南將軍奚眷追討之

涼州既下張掖亦入於魏牧健弟張掖太

守宜得燒倉庫奔酒泉奚眷追討之

慕壽祺曰人雖兇暴而對於桑梓未有不留情者宜得非張掖臨松人乎平日席父兄餘蔭出守故鄉榮亦至矣今已亡國所有張掖倉庫皆父老夙昔所經營人民脂膏所積蓄

乃竟任意焚燬是直寇盜之不如矣古之寇盜臨去時有封其府庫倉廩而貽之敵人免致地方受敲朴之虞盜亦有道豈虛語哉

冬十月魏張掖王禿髮保周據郡叛

先是南涼王禿髮保周之見滅於西秦也得檀與其子虎宴俱降乞伏熾營虜餘得檀為熾營

所鳩虎宴後亦被害其少子保周當樂都陷時適獵於破羌與俱延子駱龍烏孤孫副周烏孤孫承鉢皆奔沮渠蒙遜久之歸魏魏以保周為張掖王使與穆熊源賀略諸郡定之

是月癸亥魏主遣保周諭諸郡鮮卑因率諸郡叛明年秋七月魏遣金城公周觀統五軍討保周於張掖殺之徙其民數百家將置於京師觀至武威與諸將私分之車漕黜為侯

(庚辰)宋元嘉十七年魏太平真君元年

春正月沮渠無諱寇魏酒泉

初涼之亡也魏徙涼王牧健及宗室士民十萬戶於平城牧健之弟

無諱出奔敦煌是年三月魏酒泉拔之禿髮保周屯刪丹嶺魏遣撫軍大將軍永昌王健督軍討之健至番禾破保周保周遁六月自殺初故北涼酒泉太守無諱既陷酒泉進圍

張掖不克退據酒泉至是聞張掖下復西走據善

十九年六月宋以無諱為征西大將軍涼州刺史

慕壽祺曰愛國之心無夷夏一也前涼亡而張大據姑臧叛南涼亡而禿髮保周據張掖叛沮渠再世魏爵既被伐而降矣涼之故土皆魏土也無諱出而竊魏與西涼李恂入

敦煌稱刺使者異矣故以寇酒泉書之而舉事者之心則惟知忠孝而已昔張茂疾病執世子駿手泣曰吾家世以孝友忠順著稱晉室雖徵汝奉承之不可失也三河太守沮渠鞠粥初欲起兵攻呂光勸其兄羅仇羅仇曰吾家世以忠孝著於西土甯使人負我不負人也吐谷渾主視連曰孤自先世以來以仁孝忠恕相承皆於本源中求之子孫雖至

北魏姓拓拔氏
漢時李陵後也
陵為字誤之孫
今天水縣人武
帝時與匈奴戰
於涇泉失森援
絕降匈奴今其
後裔克酒泉字
陵有勿當含笑
於地下

亡國而流離顛沛中乘隙以圖恢復始忠孝之一念所激而成者也無諱寇酒泉不
以酒泉為魏之疆土直視為涼之故都事雖不成盡心而已成敗利鈍豈所計哉

(辛)宋元嘉十八年魏
春正月魏人攻酒泉克之
魏以沮渠無諱終為邊患遣兵伐
之拔酒泉無諱乃謀西渡流沙

三月魏以沮渠萬年為張掖王
萬年故北涼王
蒙遜部族也

案史歷代封爵有就其所生之地者有立功之地者有食祿之地者又有遙取郡名無所
繫援者如沮渠蒙遜自稱張掖公王其國也北魏封牧健張掖公保周萬年俱張掖王後

周王傑爵張掖郡公唐沙陀金山封張掖郡公又吳王恪第三
子琨贈張掖郡王段秀實封張掖郡公烏蕩允封張掖郡公

慕容祺曰魏太武可謂有君人之度矣昔晉安帝義熙十年西秦乞伏熾磐滅南涼虜其
太子虎壹既而以虎壹妹為后遂厚待虎壹未幾熾磐后與虎壹皆見殺北魏有源賀者

西平樂都人南涼禿髮傳檀子國滅奔魏太武深
器之至是又以沮渠萬年為張掖王其與也宜哉

夏五月宋討楊難當平之魏人救之不克
裴方明等至漢中與劉真道分兵攻武興
下辯白水皆取之錫難當遺符弘祖守關

泉以其子和為後繼方明與戰大破之斬弘祖和退走難當奔上邽擄其兄子保熾又獲
其子虎送建康斬之仇池平以胡崇之為北秦州刺史鎮其地立保熾為楊玄後守仇池

魏人迎難當詣平城真道方
明竟坐匿金寶善馬下獄死

案蘭皋故城在今武都縣東三百二十里魏時置戍唐大歷二年置行武州景福元年更名階州置蘭皋鎮後唐移階州治於福津其地址在武都東南八十里蘭皋鎮省入州階

州志作皋

蘭鎮誤

裴方明伐楊難當破其子和於修城追至赤亭

案赤亭在今成縣西後漢虞詡破羌於此郡國志注下辨縣有赤亭漢書虞詡傳注以為即南安之赤亭誤隋志後周廢下阪縣入修城下阪即下辨修城亦在成縣境

秋九月沮渠無諱襲據高昌宋以無諱為河西王

唐契之攻闕爽也爽遣使詐降於沮渠無諱欲與之共擊契八月無諱將其衆趨高昌比至契已死爽閉門拒之九月無諱夜襲高昌屠其城爽奔柔然無諱據高昌遣使奉表於宋宋以無諱為河西王

案鄭樵通志晉世以交河城為高昌郡蓋因其地高敞人庶蕃盛立名或云昔漢武帝遣兵西討師旅頓弊者因住焉有漢時高昌壘故也張軌呂光沮渠蒙遜在河西皆置太守

以統之其國人面貌類高麗男女辮髮垂之於背後魏太武時有闕爽者自為高昌太守太延中遣散騎常侍王恩生等使高昌為蠕蠕所執太平真君中爽為沮渠無諱所奪爽

據之爽拔其衆三分之一欲奔蠕蠕保焉耆東界後八年爽子卑夷落在焉耆上表朝廷

求賑救太武詔開焉耆倉以給之無諱死弟安周立文成和平元年其地為蠕蠕所并蠕

蠕以闕伯周

為高昌王

高昌稱王自此始至唐太宗貞觀十四年國始亡

(壬)宋元嘉十九年魏
夏四月沮渠無諱西據鄯善李賢入據敦煌
沮渠無諱將萬餘家棄敦煌西

據鄯善其士卒經流沙溺死者大半鄯善王比龍將其衆奔且末李賢遂入據敦煌初沮渠牧健之亡也涼州人悶爽據高昌唐契爲柔然所迫擁衆西趨高昌欲奪其地契死弟

和收餘衆奔車師前部拔高甯白力二城遣使請降於魏

冬十一月魏以李寶爲敦煌公
寶自其伯父歆爲沮渠蒙遜所滅北奔伊吾遺民歸附者至二千餘衆及沮渠無諱棄敦煌而西寶帥衆自伊

吾入據之繕修城府規復先業遣使奉表於魏魏以爲鎮西大將軍敦煌公已而寶勸於魏魏遂留之

(癸)宋元嘉二十年魏
春正月魏攻宋仇池取之
魏軍進至下辯宋將軍強玄明等敗死胡崇之被擒餘衆走還漢中魏遂

取仇池楊保熾走

案宋書初仇池之平也以崇之爲龍驤將軍北秦州刺史守百頃行至濁水爲素虜所克舉兵敗散崇之及將佐以下皆爲虜所執後得叛還

夏四月魏殺其武都王楊保宗
先是魏世祖大延五年春三月以保宗爲征南大將軍南秦州牧武都王又以公主妻之至是魏河間公齊東

武都王楊保宗對鎮維谷保宗弟文德說保宗閉險叛魏齊誘保宗殺之

案北史河間公齊傳宋將裴方明陷仇池太武復授齊前將軍與建興公古弼討之遂剋仇池威振羌氏復賜封河間公與武都王楊保宗對鎮駱谷時保宗弟文德說閉險自固有期矣秦州主簿邊因知之密告齊農詣保宗呼曰古弼至欲有詔保宗出齊叱左右扶保宗上馬馳驛送書諸氏遂推文德爲主求援於宋宋遣將房亮之符昭嘯龍等率衆助文德齊擊斬殺龍禽亮之氏遂平

秋七月宋立楊文德

是爲仇池楊氏第十三世

爲武都王

魏河間公齊既誘殺楊保宗其屬苻達任肅遂舉兵立文德爲王據白崖分兵取諸

戍進圍仇池自號仇池公魏將軍古弼擊之文德退走皮豹子督關中軍至下辯聞仇池圍解欲還弼遣人謂曰宋人恥敗必將復來軍還之後再舉爲難不若練兵蓄力以待之不出秋冬宋師必至以逸待勞無不克矣豹子從之文德遣使求援於宋七月宋以文德爲征西大將軍武都王屯葭蘆城武都陰平氏多歸之

案北史古弼傳宋將裴方明剋仇池立楊玄庶子保熾於是假弼節督隴右諸軍討仇池平之未幾諸氏復推揚文德爲王圍仇池弼攻解其圍文德走河州時東道將皮豹子聞仇池圍解議欲還軍弼使謂曰若其班師寇衆復至後舉爲難不出秋冬南寇必來以逸待勞百勝之策也豹子乃止太武聞之曰弼言良策也制有南秦弼謀多矣又司馬楚之傳宋將裴方明胡崇之寇仇池楚之與淮南公皮豹子等督關中諸軍擊走方明禽崇之仇池平而還又見伊馥傳

又案葭蘆城在武都東南七十里二國志姜維與鄧艾相持於此置葭蘆戍復置縣後爲仇池氏所據齊建武初葭蘆入西魏置武陽郡治葭蘆縣後周郡縣并廢

冬十一月宋人攻魏濁水戍敗績

宋將軍姜道盛與楊文德合衆攻魏濁水戍魏皮豹子等救之道盛敗死

案一統志濁水在鞏昌府西和縣境從長道縣界穿大潭舊鎮合清水入階州秦州志清水東六十里亦有濁水川而宋元嘉十二年將軍姜道盛與楊文德合攻魏濁水戍則白

水之別名也其成蓋在徽縣西南濁水江又成縣南有濁水東南流入秦州徽縣界亦謂之白水又名天水經舊粟亭縣東南流過徽縣入蜀與嘉陵江合

案魏書皮豹子時都督秦雍五州諸軍鎮守仇池既有濁水斧山之捷遂取楊文德葭盧城宋復令文德蕭道成王虬等將領來攻武都豹子取馬祁山文德回軍入覆津宋爲增

兵益將令白水送糧武興連粟豹子所領統萬安定二鎮之衆未有代期衣糧俱罄形顏枯悴乃上表請兵魏主詔高平鎮將軍騎二千赴之遣成等果退

又案覆津縣在故階州東南八十里後漢武都郡地隋志武都郡統覆津縣後魏初曰詭當縣置武階郡西魏又置覆津縣及赤萬郡後周郡縣併廢省入覆津唐屬武州後改福

津縣後唐移階州治焉赤萬郡魏太和四年置後改爲縣後廢其故城在覆津界

(甲) 宋元嘉二十二年 夏四月魏伐吐谷渾

魏主遣高涼王那等擊吐谷渾王慕利延於白蘭秦州刺史代人封敕文與安遠將

軍乙烏頭擊慕利延兄子什歸於枹罕什歸聞魏軍將至棄城夜遁八月封敕文入枹罕分徙其民千家還上邽留乙烏頭守枹罕

夏六月河西王沮渠無諱卒弟安周伐立

秋八月魏主敗於河西

魏主詔以肥馬給獵騎尙書令古弼留守悉以弱馬給之魏主大怒欲還臺斬之弼官屬惶怖恐并坐誅弼曰吾爲人臣不使

人主盤於遊田其罪小不備不虞之軍國之用其罪大今蠕蠕方強而寇去滋吾爲國遠慮雖死何傷凡吾自爲之非諸軍之憂也魏主聞之歎曰有臣如此國之寶也賜衣一襲

九月魏盧水胡蓋吳反

魏民間訛言滅魏者吳盧水胡蓋吳聚衆反於杏城諸種胡爭應之有衆十餘萬表降於宋魏長安鎮將拓跋紇討之敗死吳

衆愈甚分兵四掠魏主發并秦雍兵擊破河東薛永宗復聚衆以應吳自號天台王置百官吳上表於宋曰自靈祚南遷禍纏神土二京失統豹狼縱毒蒼元蹈大噬之悲舊都哀

荼蓼之痛臣以痛鄙杖義因機乘寇虜天亡之期藉二州思奮之憤故創迹天台爰暨威雍義風一鼓率土響同威聲既張士卒効勇師不崇朝羣狡震裂殄逆鱗於函關掃凶迹

於秦土非仰協宋籙俯允羣願焉能若斯者哉今私署安西將軍白廣平練甲高平進師汧隴北漠護軍結駟連騎提戈載驅胡蘭洛生等部曲數千擬擊僞鎮閣境願仰望皇

澤伏願陛下給一旅之衆北臨河陝賜臣威儀兼給戎械進可以厭捍凶寇覆其巢窟退可以宣國威武鎮御舊京使中都有鳴鸞之響荒餘懷來蘇之德謹遣使人趙綰馳表丹

誠

(丙)宋元嘉二十三年

春正月宋以蓋吳爲北地公

關中蓋吳反逆扇動隴右氏羌魏主遣兵討之屢敗肅自將大兵攻

之吳力不能支又上表於宋曰臣聞天無二日地無二王昔中都失統九域分崩羣凶邱列於天邑飛鸞曠目於四海先皇慈懷內發愍及戎荒剪僞羌於長安雪黎民之荼炭致

教既被民始甯蘇天朱忘難禍亂仍起獫狁侏張侵暴中國使長安爲豺狼之墟鄴洛爲
蜂蛇之藪縱毒生民虐流兆庶士女能言莫不歎憤傾首東望仰希拯接誠同旱苗之待
天澤赤子之望慈親仰仰恩天時以義伐暴輒東西結連南北樹黨五州同盟迭相要契
仰憑威靈千里雲集葺廓除榛莽以待王師宋以吳爲使持節都督關隴諸軍事安西將
軍雍州刺史北地郡公使雍梁遺軍界上以相援接擊攻吳大小數十戰不能剋宋主遣
使送雍秦二州所統郡及金紫以下諸將印合一百二十一紐與吳使隨宜假授屠各反
叛吳自攻之爲流矢所中死吳弟
吾生率衆入木面山皆尋破敗

三月魏上邦東城反州兵討平之

魏金城邊固天水梁會與秦益雜民萬餘戶據上邦東城反攻逼西城秦益刺史封刺文拒却之氏荒及

休官屠各數萬人皆起兵應固會敕文擊固斬之餘衆推會爲主魏主遣兵討之未至會
棄城走敕文先驅重擊於外嚴兵守之格鬪從夜至旦敕文曰賊知無生路致死於我多
殺十年未易克也乃以白虎幡宣告降者赦之會衆遂潰

略陽王元達因梁會之亂聚衆屯松多川敕文討平之

秦水經注松多川在隴山西南流逕隴縣南注清水舊志又載大明二年殷孝祖修城清
水東事此東平之清水也不應誤入又休官署各二陣夷也休官從史遂落之名習孝武

帝時休官權干成據天水顯親縣自稱秦州牧晉時北狄入居塞內者十九種屠各最豪
貴統理諸種或云漢武帝時匈奴有休屠王此言休官屠各按即休屠王之遺種也休音
朽屠直
於反

秋八月安定胡劉超反魏將陸侯斬之

安定盧水胡劉超復反魏主遣侯鎮長安侯單騎至鎮超喜以侯為無能也侯既至論以

成敗誘納其女與為姻戚以招之超無降意侯乃帥帳下往見之超殷勤甚嚴侯縱酒盡醉而還頃之復選敢死五百人出獵因詣超營約日發機當以醉為限既飲侯陽醉上

馬大呼斬超首士卒應聲縱擊殺傷千數遂平之魏主徵侯為外都大官

吐谷渾復還故土

先是魏主拓跋燾遣軍擊慕利延大破之利延率部落西奔白蘭攻破于闐國慮虜復至遣使上表云若不自固者欲率部曲入龍涸越

雋門并求牽車獻烏丸帽女國金酒器胡王金劍等物宋主賜以牽車若虜至不自立聽入越禍虜竟不至也至是始還故土

案元和志龍涸去成都千有餘里藝文類聚龍涸北四十里有白馬關關甚險峻使十八人固險雖為夫亦不能前太平御覽六月二十六日發龍涸晝夜嚴寒不復得脫襦袴將

從七十二人面盡黎黑口唇青啞又云自龍涸至大湫川一千九百里夜肅肅常有風寒七月雨便是雪遙望四山皓然皆白

(丁亥)魏太平真君八年春三月魏殺沮渠牧犍

魏師之克敦煌也沮渠牧犍使人祈開府庫取金玉及寶器至是守藏者告之

且言曰牧犍畜毒藥潛殺人前後有百數姊妹皆學方道有司索其家果得所匿物魏主大怒賜沮渠昭儀死并誅其宗族又有告牧犍猶與故臣民交通謀反者乃詔賜死

冬十二月楊文德招誘氏羌武都等五郡氏皆應之

楊文德據葭葭五郡氏皆應之

龍涸今四川之松潘與龍涸

(戊)宋元嘉二十五年春正月魏仇池鎮將皮豹子帥諸軍攬楊文德文德敗走

先是宋以龍驤胡崇之守仇池至濁水遇魏軍敗沒楊氏故將任熙等立保宗弟文德為仇池公宋即封武都王遣使助守魏將擊破宋師文德奔守龍盧城為魏皮豹子所攻失

守奔漢中又以輔國將軍為宋取陰平平武後為荊州刺史劉義宣所殺而雍當入魏後卒於外部大官子孫世有爵位焉

案西魏書仇池郡真君於仇池鎮置有仇池山其土地百頃四面壁立峭絕險固一人守道萬人莫向山勢自然有樓櫓却敵之狀東西二盤遙可七里上有岡卓泉源晉末為氏

楊茂搜據所理處名洛谷領縣二曰階變真君四年置曰倉泉太和四年置

夏魏薄骨律鎮將刁雍造城於靈州西南 雍於真君五年為薄骨律鎮將即上表請自艾山南鑿渠通河漑公私田四萬頃至

是表求造城魏主名曰刁公城雍又請造船運穀以通航路造城儲穀以備不虞

案薄骨律一作薄骨驢水經注云城在河渚上赫連果城也或言赫連之世有駿馬死此取馬色以為邑號故自城為白口驢韻轉之謬遂仍今稱又案水經注之銅口俗稱峽口

及所謂河側有兩山相對水出其間即上河峽世謂之青山峽即隴州之青銅峽唐書所謂峽口山者也自此而東為富平故城為薄骨律鎮城為典農城為上河城以至石觜山

西然後至於朔方則入河套矣

蘇壽祺曰甯夏河東西諸大渠均開口於峽口靈州之秦渠金積堡之漢伯渠甯夏之漢延渠此其最早者也其次則爲艾山蕭渠今遺址不可考矣然以邊城之將又生於戎狄之邦能爲人民興彌窮之利豈非難能而可貴者乎

附錄刁雍造船穀疏其文曰奉詔高平安定統萬及臣所守四鎮出車五千乘運屯穀五十萬斛付沃野鎮以供軍糧臣鎮去沃野八百里道多深沙輕車來往猶以爲難設令載穀不過二十石每涉深沙必致滯陷又穀在河西轉至沃野越度大河計車五千乘運十萬斛百餘日乃得一返大廢生民耕墾之業車牛艱阻難可全至一歲不過二運五十萬斛乃經三年臣前被詔有可以便國利民者動靜以聞臣聞鄭白之渠遠引淮海之粟沂流數千周年乃得一至猶稱國有儲粟民用安樂今求於牽屯山河水之次造船二百艘二船爲一舫一船勝穀二千斛一舫十人計須千人臣鎮內之兵卒皆習水一遇二十萬斛方舟順流五日而自沃野牽上十日還到合六十日得一返從三月至九月三返運迭六十萬斛計用人功輕於車運十倍有餘不費牛力又不廢田又疏請造城儲穀其文曰臣聞安不忘亂先聖之政也况綏服之外帶接邊城防守不備無以禦敵者也臣鎮所轄河西爰在邊表常懼不虞平地積穀實難守備兵人散居無所依恃脫有妖奸必致狼狽雖欲自固無以得全今求造城儲穀置兵備守鎮自建立更不煩官又於三時之隙不令廢農一歲二歲不訖三歲必成立城之所必在水陸之次大小高下量力取辦

案西魏書地城考沃野漢縣屬朔方郡晉罷魏復置屬徧成郡古朔方城東有渠搜故城唐之甯朔即沃野縣唐書地理志橫刻沃野經大非苦鹽池至賀蘭驛今甯夏平羅縣與

沃野僅隔一河鷄犬之聲相聞也而管理權則歸山西省矣

(己)宋元嘉二十六年冬十一月宋取陰平平武郡宋主起楊文德為輔國將軍引兵自漢西入搖動汧隴陰平平武悉

平梁南秦刺使劉平之遣文德伐曠提氏不克執送荊州使文德從祖兄頭成曠

案一統志云平武古地名周秦時為氐羌地漢為陰平道屬廣漢郡北部都尉治此永平後置陰平郡蜀漢以陰平屬益州晉有陰平平廣二縣屬陰平郡宋改為平武郡梁時為

楊傑李暉遷所據後魏得此地置江油郡治江油縣西魏兼置龍州後周仍舊隋罷郡存州大業初廢州為平武郡

(壬)宋元嘉二十九年魏高秋八月吐谷渾王慕利延卒拾寅自立利延卒拾寅自立二十九年以拾寅

為使持節督西秦河沙三州諸軍事安西將軍領護羌校尉西秦河三州刺史河南王拾寅東破蒙虜加開府儀同三司

魏隴西屠各叛討平之

(丁)宋孝武帝大明元年夏五月乙亥魏以輔國將軍梁瑾葱為河州刺史宕昌

王四年正月及八月王寅宕昌王遣使獻方物五年正月丁卯以宕昌王梁唐子為河州刺史

(己)宋大明三年冬十月庚戌宋以河西王大沮渠安周為征虜將軍涼州刺史

魏太安五年明年冬十月柔然攻高昌殺沮渠安周滅沮渠氏以闕伯周為高昌王高昌稱王自此始

案鄭樵通志魏太平真君中闕爽為沮渠無諱所奪後八年爽子重夷落在焉耆上表朝廷求賑救太武詔開焉耆會以給之無諱死弟安周立文成和平元年其地為蠕蠕所并

蠕蠕以闕伯周為高昌王高昌稱王自此始也孝文太和初伯周死子義成立歲餘為從兄首歸所殺自立為高昌王五年高車主阿伏至羅殺首歸兄弟以敦煌人張孟明為王

後為國人所殺立馬儒為王以革顧禮納嘉為左右長史

(庚)宋大明四年春三月索虜寇魏北陰平孔提太守楊歸子擊破之

魏和平元年案西魏書地理考武都郡領孔提縣西遷後置孔提郡提或作堤後周郡廢其故城在今武都縣東北二百里

夏六月魏伐吐谷渾吐谷渾王拾寅兩受宋魏爵命居止出入擬於王者魏人忿之遣楊平王新成等督諸軍以擊之

(癸)宋大明七年秋八月丙寅魏主敗於河西魏和平四年諺曰朕順時改變而從官殺獲過度碑禽獸乖不合圖之義其勅從官及典

圍將校自今已後不聽濫殺其收獲皮肉別自頒給壬申又下詔曰前以民遭饑寒不自存濟有賣鬻男女者盡付還其家或因緣勢力或私行請託共相逼容不時檢校令良家

子息仍為奴婢令仰精究不聽取贖有犯加罪若仍
不檢還聽其父兄上訴以掠人論九月車駕還宮

案史孝武帝名駿文帝子起兵誅邵宋人立之在位十一年改元二曰孝建曰大明帝即位後再書殺其弟四書殺無罪末年尤貪財利刺史二千石罷還必限使獻奉殆無可紀

之善焉以大明八年夏閏五月殂太子子業立是為明帝

(乙)宋主子業景和元年太宗明夏五月壬子魏以淮南王他為鎮西大將軍儀同

三司鎮涼州

魏主濬卒太子弘立初世祖經營四方國頗虛耗重以內難朝野楚高宗嗣之與時消息靜以鎮之懷集中外民心復安太子弘即位時年十二

(丙)宋泰始二年魏顯祖秋七月丁酉以仇池太守楊僧嗣為北秦州刺史武都

王

(丁)宋明帝泰始三年魏夏四月乙未冠軍將軍北秦州刺史楊僧嗣是為仇池楊氏第十五世

進號征西將軍

冬十月辛丑大將軍西秦河二州刺史吐谷渾拾寅進號征西大將軍

(戊)宋泰始四年夏五月以肅朔將軍武都王楊文度是為仇池楊氏第十六世為北秦州刺史

楊文度得死後羣氏推立元和宋拜武都王治白水然幼弱不能自立羣據城歸魏內徙京師其從叔僧嗣復自稱武都王於葭蘆死從弟文度自立為武興王宋亦以為武都王宋

順帝時魏破葭蘆殺文度

冬十月辛酉宋以宕昌王梁弼機為安西將軍河涼二州刺史

